



09994

大泌山房集卷之四

京山李維楨本寧著

七言律詩下

丙午後作

南都

舊邦偏霸一隅雄
帝命維新自不同
再闢乾坤清朗漠
雙懸日月啓鴻濛
春開蒼震青陽後
斗直黃旗紫蓋中
率土王臣脩職貢
江流萬里亦朝東

親提三尺渡江來
宇宙東南帝業開
不盡風雲生沛澤
方升海日見蓬萊
河山兩戒朝宗地
草昧諸臣將相才

高廟神靈時出王
龍文五色正昭回

大泌山房集

卷之四

詩

一

旌旗劒佩擁椒除
尚想戎衣革命初
綠草不侵雕輦路
紅雲常護紫宸居
金銀宮闕三山外
烟雨樓臺六代餘
誰謂長江天作塹
入荒今日共車書
鍾山龍躍大江前
六位時乘起御天
述作聖明三紀度
本支孫子萬人傳
黃圖漢室誅秦定
蒼籙周京卜鎬先
卽有新都開洛水
憂勤莫忘肇基年

九日秦淮舟次同子謙不疑山甫對酌

籬門是處見黃花
秋暖遊蜂自報衙
擊汰揚舲江上客
嬌歌清吹館中娃
白衣何日逢陶令
皂帽無風落孟嘉
緩酌一尊談笑坐
秦淮片月已籠沙

九月重臨九日陽蒹葭露白未爲霜蟹螯入市無高價
鴈字排空有斷行玉步搖攢黃菊朶金跳脫繫紫萸囊
長干游女橫波目不省悲秋客望鄉

夜登雨花臺

說法臺成自六朝只今明月鎖僧寮燐飛野火灰餘劫
濤起林松海上潮忽有栖鳥風葉下將無揮塵雨花飄
上人名在知留識清夜雲光入望遙

城南登眺

天門閶闔鬱岩巖尺五城南路不遙紫陌烟花千地起
黃圖雲物萬靈朝澄江匹練縈爲帶截海長鯨跨作橋
累葉承平忘帝力游人日醉木蘭橈

金陵兩兒僦舍同客守歲次韻

頻年守歲俱爲客今日僑居在舊京稚子嬌癡深戀戀
老夫牽率重行行頌椒才盡難成句爆竹更闌自發聲
惟有故人情不忘燒燈沽酒話平生
流澌殘雪放晴初辱在泥塗尚未除坐有盃簪無櫪馬
盤行枯腊是江魚屠蘇酒盞人人後連屋床書歲歲餘
自笑浮踪成大隱休官翻向市朝居

元日次韻

萬家鐘鼓報新晴車馬遊龍賀歲行玉几自高天北極

金陵元是帝西京日暉有餽蘆中出春到無蹊李下成
雲雨人情朝夕變桃符猶待一年更

龍軒不問夜何如珮玉千官自啓居仙掌日華天子氣
大庭雲物史臣書虎尊賜酌忠無諱雀綴施生幸有餘
乞得片言星退舍萬年垂拱奠皇輿

間有星變

人日喜晴

翠幃金鑣載路光天門晴雪淨年芳王春早布神州滿
人日偏依化國長七種菜羹纖手送五花梅靨小鬟粧
承恩莫羨清暉閣談笑相看是帝鄉

十三夜邂逅梁別駕投贈

大泌山房集

卷之四

詩

三

長安朝籍久刪除秉燭遊春得自如月爲燈輪催魄滿
花隨歌管帶寒舒雙龍乍合分攜劍

閩人姚陳兩生共集

五馬高

懸別駕車累世通家情不淺却憐傾蓋白頭餘

金陵元夕前四首次韻

可知江左是天天家燈火千門映月華烟學甯封成五色
樹分嵩室種三花汎膏白粥蠶神供單絞岑牟鼓吏搗
遮莫城烏啼曙起青驄猶引七香車

落盡梅花笛裏風行歌是處調相同天迴玉燭彤庭上
人在香塵繡陌中高館張燈能繼日小橋流水盡成虹
遙從北極瞻仙仗今夜祈靈太乙宮

車馬分頭九陌通上元行樂兆年豐王孫公子新聲奏
火帝雲官泰運隆燈有長明非借月光能自舞不從風
鍾山千里龍銜燭近在天朝鳳闕東

萬樹飛花滿帝城疎星歷歷月盈盈秦淮水寫朱衣影
江乘門題白下名列市魚龍喧角觝窺簾燕雀象生成
蘭膏明燭華鐙錯不盡招魂楚客情

調梁別駕

葳蕤魚鑰啓嚴城例許觀燈放夜行赤帝女昇巢上去
紫姑仙向廁中迎何如羃屨藏春色不問嚙曉徹漏聲
賜福天官君介弟迷花累月自清平

大泌山房集

卷之四

詩

四

月下霓裳奏曲新百枝燈送酒千巡扇調鸚鵡能言舌
被暖鴛鴦戢翼身天女散花臺似雨飛仙結綺閣臨春
六朝勝事依然在年少空隨陌上塵

答邢性之文學

卜居三逕足蓬蒿寤寐懷人遠夢勞塞上新傳鴻鴈字
河東舊識鳳皇毛論心山水調琴曲望氣星辰問佩刀
欲報不須青玉案春江花月廣陵濤

呈焦弱侯太史

玉堂清切鳳城東典領諸儒白虎通彩筆詞場無勁敵
金華講幄有孤忠四方謠俗丹鉛後一代才賢水鏡中

精舍辟雍相近在于今小大樂從公

漢家薪積已多時大隱金門自委蛇
仄目轅生無出學解願匡鼎有新詩
紫芝定策山中老黃石傳書圯上師
出處直將隆替對年來憂國鬢成絲

天祿遺書費校讎青藜五夜瑞烟浮
世臣家近魁三象學士人推第一流
鍾阜白雲開隱舍秦淮明月載扁舟
知君願學宣尼父如此清狂所不由

名世三朝五十年文星南斗避行躔
須知句曲山中相曾遇鄉嫻洞裏仙
汗寫金壺甘若醴香薰玉案結非烟
尚方帝璽煩君典紫誥黃麻次第宣

時有尚
璽啓事

大泌山房集

卷之四

詩

五

與黃秘書道舊

東風吹綠萬條舒白首飛蓬只自如
二十年前成夢境三千里外賦閒居
君恩解網天同覆客意題門日以疎
鬼伯尚能容我輩酒杯今夜莫教虛

舍人呼鬢益高尻廣柳車中萬死逃
千里誰成鴻鵠翼一鳴都羨鳳皇毛
蓬蒿仲蔚身堪隱湖海元龍氣自豪
極目東明蒼震色方隨春日麗江臯

畢侍御按秦便歸省觀

皂囊封事幾披陳不負雲霄早致身
虎豹在山無采藿豺狼當路有埋輪
風迴漢代西京氣日轉秦城北斗春

寄語舊遊門下士衣冠領袖屬斯人

春草初青柳乍黃五花驄馬有輝光雲隨子舍歸寧遠
日向親闈拜慶長壽酒上尊分白虎舞衣文繡襲神羊

須知明主勤西顧烽火榆關夜未央

時榆林有警

百二秦封繡斧前獨持風裁萬人傳髦頭遠辟南山梓
仙掌高擎太華蓮紫塞烟銷兵大閱黃沙春滿獄多蠲
浮雲不蔽長安日身近城南尺五天

鷺羽車乘虎節遊畢公分陝率諸侯真源白帝三秋爽
世態黃河九曲流經術自能緣吏事笑談誰解奉軍籌
漢家圖象麒麟閣一蹴功名到上頭

大泌山房集

卷之四

詩

六

許世範愈幼兒疾賦謝

淒其風雪病餘身傾蓋逢君意獨親屬子異鄉憐楚客
愛兒隨俗爲秦人壺中七尺能深隱肘後千金不厭貧
從此草居無患恙刀圭應手自迴春

送葉循甫之荊州

野色嵐光雨後新東風吹暖送芳塵牽江錦纜桃花水
夾岸青帘竹葉春佩得雙珠貽漢女歌來一曲媿巴人
知君不作依劉客汗漫行遊自采真

奔吳楚客自多愁更送吳郎入楚遊歸夢已先征棹發
銷魂都付大江流六朝風物依然在三月烟花爛不收

家在五雲城闕畔可無王粲賦登樓

贈王不疑歸

三歲同君賦遠遊君今歸去我淹留
迷人世路多山鬼何處風波不石尤
江雨漸深桃葉渡楚天遙望木蘭舟
離亭日暮龍鍾淚非爲官從老病休

贈黃典客

銅馬門中可陸沉白駒空谷有遐心
家聲六代流風遠國事三朝閱日深
種畹芳蘭燕姑夢夾池脩竹阮家林
高談意氣飛揚甚鍊藥曾成仲理金

爲好樓居學列仙新開小閣帝城邊
物情自任浮雲變

大泌山房集

卷之四

詩

七

王氣長看瑞日懸禮數杖鳩尊國老
精神躍馬敵丁年

維熊夢與非熊卜鄉里朝來喜共傳

公八十一生子

贈潘朗叔

辟雍絃誦士如雲風貌潘郎自不羣
八座尚書傳舊德七星長劍吐靈文
詞華夢後青鏤管墨妙眠中白練裙
累世通家人已老扁舟江上喜逢君

寄題汪氏潛丘園

雄城萬雉古新安城上園亭畫裏看
天目北來如鳳舞金陵東望正龍蟠
人烟花炙三春暖山翠雲生六月寒
嘯竹不煩先問主通家定許酒杯寬

永興寺杉下作

祇園傳自舊宮監百尺亭亭手種杉佳氣直通中禁樹
歸雲遙送大江帆息吹清籟和鐘梵暑却濃陰潤幘衫
不盡青葱天一色何誇五采婦人品

過潘內史以長公侍

潘郎拙宦二毛垂賦就閒居此一時論事不言溫室樹
銜恩曾借上林枝客非車胤歡何減人對公榮飲自宜
坐久未須賒月色明珠掌握有佳兒

與潘生談因贈

旗亭百隧市聲喧丘壑積然意獨存名理故堪三語掾

大沙山房集

卷之四

詩

八

新詩曾受一家言雨添山色遙侵坐月湧潮聲直到門
政熱移床庭樹下雞鳴猶自寫清尊

答潘方凱次韻

紈扇桃笙清結夏博山沉水細生烟素鱗一一水盤送
絳蠟雙雙火齊懸老作少年場上客病從長夜飲中仙
深知潦倒資諧笑目矐偏多酒食緣

酒爲池水屋爲樺園坐宗人酌大盆竹下逕開容過仲
花間燭滅尚留髧五千言得函關授八九胸將楚澤吞
子墨客卿新錫號黃金從此日填門

汪仲實館中作

高梧明月淨娟娟，一片冰心對皎然。不用銜杯方避暑，偶逢傾蓋遂忘年。涼風白苧徵歌裏，綠水紅蓮入幕前。豈少積金如斗客，清遊未許數周旋。

夏日集羅君揚館

江城宛在水中央，匹練波紋盪畫梁。倚玉自宜加朗潤，飲冰非是患陰陽。松風謾謾南窻夢，荷露瑩瑩上若香。紈扇氎巾更僕侍，坐來燈炷亂晨光。

老病交游事事慵，扁舟江上日過從。納涼簟展琉璃滑，避暑杯行琥珀濃。架貯萬函窺半豹，樓高百尺臥元龍。主賓自是東南美，不羨人間有素封。

大泌山房集

卷之四

詩

九

羅君揚還楚贈別

行矣南風五兩輕，刀頭容易岳陽城。名山所至揮毫賦，故里相看負弩迎。濯濯人前誰韻勝，亭亭物表自神清。門闌已送乘龍喜，汗漫天遊學向平。

玉塞金城謝建牙，三年無賴殫江華。羸身空賦孤生杜，病骨難耘五色瓜。烟樹雨中人對酒，雲帆天際客還家。親知儻問賓鴻信，鍛羽分行路轉賒。

宗人信卿博士考績入都

成蹊仙李本支同，遠隔江湖路未通。遣子從師高館下，懷人羈旅素書中。顛門經術多承學，伐閱銓曹首課功。

明到新恩頒上笏一時臺史鮑家驄
席間函丈攝衣趨泮水淵源魯一儒
聖主右文開白虎諸生祖道奏驪駒
楊球乞罷鴻都選高朕更脩禮殿圖
此事于今成束閣看君早晚定訃謨

贈曹元翀孝廉

烟雨秦淮綠乍勻酒船偏覓孝廉頻
授經師席聽方籍待詔公車業轉新
鄴下文章傾國士平陽功伐號宗臣
人間竹素千秋在且醉看花上苑春

汪景謨以鹽官大夫里居

卜居闌闌九達中儒雅名家表海東
膾斫四腮盤積雪

大泌山房集

卷之四

詩

十

松栽五鬣塵生風佳兒文采裘青鳳
食客繁華席綠熊最愛阿咸能任達
時時清賞竹林同

族子士能最相善

弓旌何日不遊燕避世牆東自歲年
總爲鹽車非驥服頻攜斗酒待鶯遷
蕪城古蹟揮毫外瓜地吾廬寓目前
有客投簪衣短後端居多暇奉周旋

汪景謨別業

竹所沉吟到夕曛胡床留客轉殷勤
隔江烟樹千帆度負郭絃歌萬井聞
態似玉山非倚醉富如金谷是多文
淮南叢桂深招隱漫道迷花不事君

溪橋宛轉樹蒼蒼選勝園亭與納涼
稚子山厨行紫蕨

隣翁水碓出黃梁嵐光翠滴金莖露花氣晴臚玉案香
所以承明君蚤厭不懸銀艾大夫章

汪魯生進士請得揚州廣文迎養太君

身致青雲起大名辭尊辭富有深情卜居庭奉三遷訓
負米家餘百里程射策甲科秦博士秀才異等魯諸生
彙征茅茹逢交泰闕下班聯玉笋行

歌來諗母不遑將捧檄之官是故鄉戲綵花明桃李色
常珍味和藻芹香士因韋逞傳遺業客就虞潭拜養堂
聖主只今敦孝理徵書早晚下維揚

吳比部入賀長至

大泌山房集

卷之四

詩

十一

漢殿朝儀亞歲陳西雍遙羽鷺振振三千里外思歸夢
四十年前委質身識面驚無同輩舊折腰愁向達官新
諸郎誰似馮唐老御輦過時顧問頻

仗擁千官慶履長陪京玉帛儼前行載瞻金馬銅龍色
共挹珠星璧月光郊祀幾年虛法駕關征何日養微陽
堯尊北斗天垂象虎拜遙稱萬歲觴

程世延遠暢樓次韻

鼎食鐘鳴萬戶同舳艫千里傍簾櫳臺封錦石雲長宿
水抱金隄月可中指顧江山猶氣色銷沉今古幾英雄
樓居莫問求仙事但取開尊酒不空

東南名勝坐中收綠樹重陰五月秋雲擁關河天近遠
波搖島嶼地沉浮乘鸞女自吹簫至駕鶴賓曾就席留
湖海人豪樓百尺當年無客與同遊

目盡天高散綺霞黃旗紫蓋見京華江流儻可投鞭斷
山氣何如拄笏嘉河灌百川城抱甕舟迴一葉步浮瓜
憐君鄉里相隣近多暇登臨樂事賒

飛樓縹緲抗層霄闌闌千重不受囂古木當軒支作蓋
寒泉赴壑引爲橋海門東下三山近天塹中分兩戒遙
善病老儉俄起色清秋許看廣陵潮

汪民部歸壽太公

大澗山房集

卷之四

詩

十二

日行南陸景初長鍾鼓清時樂未央憲老乞言天子使
寧親拜慶地官郎占成出獵非熊虎曲奏將雛是鳳皇
家近黃山仙蹟在丹砂色映紫霞觴

讀馬仲履天都載作

辟雍多士與周旋博學宏詞自斐然籬落有行皆筆札
輶軒無語不丹鉛五千關令修玄訣九百虞初志怪篇
欲置帳中恒秘翫都人好事已流傳

楊大來自遠問疾

故人千里問流離秉燭床頭轉見疑銷盡長心惟短髮
裹來癡骨豈妍皮金成丹竈方誰授家在青山夢自知

愁對楊朱岐路泣，況逢搖落凜秋時。

贈余典客

生逢全盛兩京時，夙夜衣冠侍玉墀。
王氣成龍身作御，官聯振鷺羽爲儀。
三山春色杯中酒，六代風流座上詩。
最是秦淮衣帶水，潮聲鄉信總如期。

送梁別駕還真定

未老先投逸海簪，狹邪年少與浮沉。
攜將燕市黃金色，挑就臨邛綠綺心。
載雪興乘舟上盡，行雲夢隔賦中深。
閨人不恨侑予美，銀燭高燒熨錦衾。

大泌山房集

卷之四

詩

十三

白首他鄉詠式微，家人歲晚促旋歸。
渡江桃葉無春在，糝逕楊花是雪飛。
逆旅行歌彈後缺，當盧取醉典餘衣。
女戎莫道難相近，山澤癯儒戰勝肥。

王鼎父孝廉新居

儒有栖遲一畝宮，孝廉今見古人風。
烏衣塵尾名家舊，紫電清霜武庫雄。
隱几溪山開罨畫，登樓江海入鴻濛。
扁舟滿載金陵酒，花下論文可許同。

月望積雪韓納言招同焦太史集永慶禪房

雪中明月一方來，燭跋更闌數舉杯。
東壁末光分玉署，西園清讌集銀臺。
禪心覺後真如水，詩興吟邊不在梅。
攜手同歸頻北望，謝公墩上半蒿萊。

樓雪

春卿奉詔紫微宮，宗廟郊丘禱雪同。
頓使玄黃還太素，無端色相出真空。
三山銀闕蓬萊近，羣玉瑤池冊府通。
閔閔農夫深望歲，歡聲一日遍江東。

玉京樓閣轉霏微，江上人家白板扉。
入海蛟冰千片合，縈空鴈素一行歸。
無風雲葉垂垂下，似雨天花冉冉飛。
遙想廷臣趨表賀，西雍振鷺有光輝。

冬官諸郎宴集

城烏栖月鴈飛霜，置酒交歡下夜長。
休謁山郎清自厲，才名水部美相望。
春偷赤瑄毫端色，寒辟青綾被底香。
大泌山房集

卷之四

詩十四

大雅填篋聲遞奏，楚歌還聽老夫狂。

汪士能雪中過訪同方子謙小酌

風雪淒其歲欲除，衝泥何意到籃輿。
蝸廬臥起差無恙，鶴氅行披致有餘。
不負平生交縞苧，永言爲好報瓊琚。
寒林鳥雀饑相喚，莫遣清尊此會虛。

李汝藩小侯宅留贈

詩社三朝遞主盟，李侯曾引楚狂生。
同心賞絕絃中調，往事愁聞笛裏聲。
未改河山傳世業，相逢雲雨變交情。
深憐父客無多在，西第頻虛左席迎。

世胄親臣宿衛中，容刀組練綠沉弓。
綺紈同輩心誰好

羽獵誇胡氣自雄，猿臂南山馳射虎。龍韜東海臥非熊，
醉鄉深處封侯地。絕勝人笛作寓公。

鎮日池亭載酒過，幕中賓客禮無苛。瓜成五色相鉤帶，
樹長三花自貝多。銀甲彈箏偏調曲，紅牙按拍緩聲歌。
唾壺擊罷書空坐，可是雄心未耗磨。

君恩綠鬢遂初年，清切城南尺五天。縱飲翻嫌醒酒石，
幽栖不費買山錢。紫裘看月騎鯨上，綵筆生花倚馬前。
好是吾家唐白也，謫來人世尚成仙。

至日黃明立羅玄甫張克雋三國博集朝天宮

紫宮閭闔九重開，坐近文章北斗魁。長至正推迎日策，

大泌山房集

卷之四

詩

十五

大方都是撻天才，鱸因漢殿三公集。鳳以虞廷胄子來，
青鏤采毫相映發。書雲五色奏靈臺。

贈三博士

虎闥高屬鳳皇城，日下青雲好附名。率土書文歸一統，
專門經術盛諸生。鶡音頓覺投林改，蟻術時看壘空成。
野老願從都養後，餘光不惜照冥行。

張侍御出守梧州

南床雄劇雜端公，領郡威儀自不同。辟路乘驄增五馬，
屬車懸豹畫雙熊。事傳家世青箱後，名在朝堂白筆中。
爲借風霜秋憲府，澄清瘴癘八蠻通。

天開五嶺縮蒼梧，郡將專城佩虎符。銅鼓匏笙分部曲，
椰漿桂蠹出行廚。金留道士乘舟石，砂長仙翁煉藥爐。
聞道容江春色好，綠波渾似掌中珠。

初春祁爾光武部招集魏國園對雨次王司寇韻
閱閱元功魏大名，家如韋杜在南城。別開池館春行樂，
曾奉河山世及盟。嘯竹不逢園主怒，握蘭偏對省郎清。
坐看鵝鵲融殘雪，散作千門喜雨聲。

上公西第入烟霄，春色江南望不遙。當戶小山青玉案，
臨池春水赤欄橋。石攢鯨甲含風動，松長龍鱗挾雨驕。
選勝從容文酒會，能兼吏隱自清朝。

大泌山房集

卷之四

詩

十六

是日武部出示近集復倚司寇韻賦贈

細雨簷花對酒傾，西園翰墨有餘清。宵中斗避文星舍，
春後霜飛武庫兵。直借一言爲大呂，裁題五字亦長城。
須知竹箭東南美，獨步詞場自擅名。

儒雅風流事事饒，諸王故道阿龍超。夜飛公子西園蓋，
春轉尚書北斗杓。絕代雄才推繡虎，傳家舊物薄金貂。
論文惟有仙郎似，綵筆花先萬樹飄。

倚韻酬新春六日高孩之民部館中作

知君揆藻在天庭，漏泄春光六葉蓂。花勝屏開霜後綵，
菜絲盤送雨餘青。中興諸子推雄伯，大雅先民見典刑。

過隙白駒教暫住高談非馬正堪聽

十三夜陶開普工部宅分得聲字

相過春酒酌蘭生今夜何其在帝城火樹禁寒花蚤發
燈輪重暈月先盈樓臺天外三山色絃管江東六代聲
水部官梅詩競爽暗塵空逐馬蹄輕

十四夜集方似之豐草堂觀燈分得亭字

月明幾望可中庭坐對華燈夜不扃火齊木難懸作鏡
水晶雲母列爲屏花成夢筆長庚綵烟出燃藜太乙青
好取堂前豐草色與題蕭瑟萬春亭

風搖百影樹花落萬
春亭北齊蕭瑟屏風詩

元夕復集豐草堂用亭字

大泌山房集

卷之四

詩十七

草堂燈炮帶春星座客朝酣尚未醒賦就才情霞散綺
談來神異火流鈴新翻橫笛開元曲善射藏鈎後帝靈
城鑰不收宮漏緩踏歌塵起暗街亭

國華王孫館在青溪居人張燈特盛蓋國華首事
七橋溪畔水流車傳道新燈是宅家綺閣春先臨玉樹
綠池寒自冒朱華望高靈氣衝星劍步引仙遊貫月槎
胙土曾分青帝社恩光今夕故應賒

金陵元夕後四首

初年恒雨夜初晴院院燒燈較月明春水流紅桃作渡
烟光凝紫冶爲城誰家門不獨兒吠何處樓無燕子聲

玉女青衣行戴燭相逢誤喚委然名
星中朱鳥渡江春照眼烟花萬樹新年紀竹書天再旦
歌登樂府月重輪胭脂井賦佳人色烽火樓銷候騎塵
陸地金蓮行處有休誇雙炬引詞臣
朱方自昔盛繁華燈燭薰天夜轉餘百里丹烟香噴薄
五枝青玉影交加飛仙閣結臨春綺游女金生貼地花
火爇白門楊柳色非關葉未可藏鴉

烏衣巷裏烏夜啼朱雀橋邊雀未栖色界金銀千地起
春城桃李萬家齊如雲如水行相引非霧非烟望欲迷
別有新聲將進酒青樓燈火隔青溪

大泌山房集

卷之四

詩十八

十六夜李汝藩宅得寒字

殷勤杯酒接餘歡元夕張燈尚未闌玉樹後庭春自好
金釭帶壁月同看暈生花影枝枝彩烟吐葵心片片丹
幾度更衣還入坐風迴疎雨不成寒

讀黃應興諫議疏草有感

桂宮蘭殿闕清朝椒實盈升振遠條烏自畢逋能集苑
鴻誰羽翼得昂霄神靈九廟承祧重涕泗孤臣拜奏遙
轉日迴天功不賞商山春種紫芝饒

盧民部少從上巳招集河館

曲水觴浮蟻若萍衣冠蘭省勝蘭亭四腮鱸膾臨江得

百轉鶯啼出谷聽斑鬢容華生顧盼綵毫春色鬪精靈
尚書郎對金人劍卽有新恩下漢庭

民部曹公遠宅同諸詞人賦

世家年少尚書郎別館花深傍苑牆夜暗投來珠代月
春寒佩合劍飛霜縹囊緗帙千金字朱火青烟五木香
公讌詩成誰爲選東阿才自勝劉王

謝蕭二比部歐陽雷鄭三水部李廷評爲仲弟白

見寃狀賦謝

瑣尾流離賦卜居浮雲蔽日眇愁余窮交季布千金諾
貴重劉公一紙書不足冠纓情自繫若爲茅經意相於
那知東海波臣涸斗水西江活有餘

大澗山房集

卷之四

詩

十九

分飛四鳥日悲號木落天空望轉高有壁欲投逢按劍
無衣相閔藉同袍鬢髮餓起三年宦廣柳生從萬死逃
左馬青雲名下士千秋意氣見吾曹

贈劉少彝先輩

兩家先子第同登歟歷三朝老右丞物外河山靈氣在
人間竹帛大名稱書成鴻寶傳劉向望峻龍門愧李膺
獨把綸竿江漢去看君天路遠飛騰

公車偃蹇對臨軒大雅何妨里耳喧鉛槧子雲千首賦
縹緗司馬一家言釣來浙水魚皆厭舞向錢塘鳳獨騫

早晚中原驅上駟不知誰可奉纓鞶

藩伯王豐輿遠書相勞賦謝

弱冠登朝髮欲蒼獨勞從事鮮方將遲回宦轍尋無枉
珍重人材寸有長舉扇仁風生萬籟隨車甘雨富千倉
餘波自楚通江表何必居塵問故鄉

贈熊非伯學使

虎踞龍蟠舊帝京風雲多士啓文明會逢水鏡人倫選
轉覺山河王氣生教準四科移俗尚品題三管盛時名
折衝尊俎君能事門下誰如武庫兵

圖書御史典蘭臺畿輔傳經絳帳開曲徑手提三尺斷

大沁山房集

卷之四

詩

二十

狂瀾身障百川迴磬浮泗水諧元韻練淨吳江入妙裁
自是鸞熊家學遠大宗師應帝王來

繡衣持斧下青冥八使威稜冠漢庭地斥東夷傳武露
天迴南斗辟文星六朝儒雅風流事一代人才海嶽靈
功在進賢宜上賞卽看麟閣首圖形

鳳曆軒轅四紀中周家壽考作人同天開憲府能行法
日近神州首嚮風相馬練懸吳觀迥騰蛟樓結海門雄
芄芄棫樸弘薪樵幾度封章徹帝聰

時請增解額

鄭季野過訪

武陵春色秣陵秋三十年餘問旅遊中未安鴻鴈宅

當盧已廢鷓鴣裘病無陶令乘籃輿歌有馮驩出荆綵
高冢纍纍多故舊相逢白首莫言愁

雷元亮水部招同羅公廓給事集烏龍潭舫中

碧水澄潭一鏡開濟川舟楫大夫才相依蘭省含香坐
不爲萼羹命駕來樹外雲光鳩鵲觀城隅山色鳳凰臺
夕陽漸下烟波暝隔岸笙歌促舉杯

龍湫舊遶漢宮斜翠竹丹楓帶白沙秋盡水痕猶拍岸
晚來山氣漸成霞小舟盪槳如蓮葉別館張筵對菊花
莫負郎中桑落酒帝城容易是天涯

金伯孚兄弟青溪水閣雨夜卽席賦

大泌山房集

卷之四

詩二十一

青溪一曲接長干華館秋深夜不寒雨以風從催落葉
潮因江漲到凭欄交情傾蓋偏相好旅況銜杯強自寬
木末芙蓉籬畔菊采將爲佩更爲餐

焦弱侯太史羅公廓給事同集孫茂才舟中

青溪水上蔚藍天兩岸人家半綺筵江漲晚潮平古渡
雨晴秋樹鎖寒烟掖垣抗疏匡時客甲觀傳經命代賢
何事短衣同楚製相攜載酒水蘭船

國華王孫約諸詞人集清溪水閣分得侵字

水檻雲廊共遣心清秋風日遞晴陰小山叢桂淮王賦
空谷幽蘭楚客吟永夜嘯歌張畫燭一時然諾貴黃金

人間不朽文章事坐惜年華白髮侵

臧晉叔博士過訪

交情莫嘆白頭新
瑣尾相看意自親
六館當時名下士
十年今夜夢中人
市朝浪跡何妨隱
丘壑蟠曾不患貧
却憶江南花事好
風流誰領武林春

送晉叔游中州

月落烏啼萬樹霜
圍爐促坐急飛觴
神來佩劍龍雙躍
目送銜蘆鴈幾行
臺史德星占聚穎
才人賦雪美游梁
何年昏嫁都無累
五嶽行踪學向長

仲氏入淮對簿悵然有寄

大澗山房集

卷之四

詩

二十三

搖落秋聲客自悲
不堪憔悴是湘纍
蘭焚蕙嘆終何濟
李代桃僵轉見疑
東海銜冤成歲旱
南昌寄食謝晨炊
傷心千古淮陰事
薄命相遭又此時

怪殺南冠尚撫絃
楚囚今但涕潸然
泥中瑣尾何多日
市上憑陵任少年
九月授衣裘盡敝
三星在留釣空懸
真知一飯千金貴
漂母王孫大有緣

淒風苦雨沸江波
野渡舟橫可柰何
行乞脚因三寸短
殷憂腸較九迴多
無魚豈合鴻雁網
有兔空教雉在羅
一片淮流清似酒
泥沙今已入黃河

八口啼饑費橐餖
三年文罔更彌天
碎顛墮葉深秋後

積羽沉舟苦海前歌自銜悲難當泣魂將託夢不成眠
填人何事偏宜岸握粟聊爲問卜錢

徐生江上草堂

卜居江上草堂成萬里清江匹練縈雲樹接天通御氣
烟波無雨送潮聲如山芻粟司農署橫海樓船大將營
中有詞人能小隱時時觴詠謝浮名

九日李汝藩小侯山亭得臺字

虎踞城頭別館開澄江如練接天迴相將避世逃名客
自擅登高作賦才王令歌傳桃葉渡陶家酒送菊花杯
風流千古人同調不數英雄戲馬臺

大泌山房集

卷之四

詩

二十三

送少司空丁公入朝

朱芾葱珩位六卿璽書新拜謁承明行人尚識花驄色
童子相將竹馬聲清似玉壺冰一片望高金掌露雙莖
司空貫見東南事斧藻官家立太平

太師靈爽冠三台桃李春先萬樹開誰不掃門希盼睞
公惟解組賦歸來赤符文自天苞出玄武班聯斗柄迴
百鍊鋼無爲繞指風稜嶽嶽舊西臺

秣陵開府九星霜是處瞻依蔽芾棠家廩萬金平市糴
簡書三尺肅臺綱軍容盛偃風波色王氣高扶日月光
官晉鴟鳩心自一舊遊蹤跡肯相忘

春城身現宰官年歲歲桑麻綠野烟遺象崇祠瞻似父
飛鳧化鳥儼如仙清卿屢省江東月起部新開薊北天
聞道柏梁須厭勝輿情願請水衡錢

恩旌慈節爲高叅軍母賦

生憎青鳥玉山禾將母詩成出涕沱六尺託孤生不媿
兩髦儀我死無他代天言出絲綸大愛日歡承菽水多
列女傳中千古在石渠金匱史如何

送楊明府上計

計吏如雲集漢宮君家閱冠江東絃歌花縣春長在
版築金堤歲屢豐有鵠將雛隨去後無牛生犢可留中

大泌山房集

卷之四

詩

三四

諸公取次登臺省早晚封章獻納同

十四夜俞仲茅別館燈燕

青雲畫省漢仙郎領取春歸舊草堂寶玉西崑開策府
圖書東壁應文昌步欄都種珊瑚樹柱棟真成玳瑁梁
長夜漫漫羈旅客結隣先許借餘光

高燒銀燭百華明行酒呼盧席屢更雨意憐春寒乍斂
雲容待月暈初成冰前絲學鮫人織花下簫依鳳女鳴
三五自盈還自缺不如幾望有餘情

上元集方似之宅得流字

元夕今年問舊遊通家情好故綢繆春寒玉樹渾無恙

雨霽金波澹欲流，七寶屏開舍景合。
九微花璫暗香浮，盛傳小庾新詩體，共學唐人倚韻酬。

十六月明與方子謙楊孝永閒步

漏日濛濛宿霧輕，燈花忽喜報春明。
月臨今夕纔稱望，天悔恒陰大放晴。
紫陌塵隨連袂影，朱門暖送炙簧聲。
何人對此能閒坐，白接籬從倒着行。

答張孝廉紹和

瑣尾流離祗自憐，相逢傾蓋有良緣。
直披雲霧青天上，與奏陽春白雪前。
九鯉比肩真氣合，雙龍入手夜光懸。
仙才神物東南美，攬結英靈在後賢。

大泌山房集

卷之四

詩 三五

陳季迪郡丞上計有中中之者遂拂衣歸矣縱談弇州太函往事因贈二章

春晴良夜促傳觴，臭味相同語自長。
別駕差堪容驥足，前程無奈轉羊腸。
編摩一卷嵇含狀，囊溢千金陸賈裝。
家在武夷山水曲，人間世外任行藏。

文章司命在三吳，爾昔登壇奉步趨。
前輩典刑垂欲盡，後來風會藉相扶。
他鄉邂逅停傾蓋，末路遭迴擊唾壺。
拓落一官何足問，言成上比古爲徒。

送雷元亮水部歸豐城

浮雲驟合翳晴空，狼藉春花雨夜風。
計拙宦情原自薄，

性耽詩句晚逾工。鴟夷且學遊方外。虎子從教貴侍中。
好在豐城雙佩劍。倚天長吐氣如虹。
白門詩社主齊盟。爲奏驪駒贈遠行。芳草不迷歸去路。
垂楊難繫別離情。官如雞肋捐何惜。人是蛾眉妒易生。
讀罷楚騷還痛飲。古來才士豈虛名。

蜀曹能始使君有流言寄訊

啓事山公墨未乾。何來柱後惠文彈。十年謫宦長安遠。
萬里攜家蜀道難。綠綺希聲空自賞。玄亭奇字許誰看。
詞林終古卿雲色。拓落從他老一官。

韓朝廷京兆少尹

大泌山房集

卷之四

詩

二十六

仙郎題柱盛時名。京兆通班拜命行。雨送青山停策馬。
春交綠樹轉流鶯。金璫轉見縱橫態。丹陛稀聞警蹕聲。
欲問弘農殊未易。當官慎莫負生平。

芙蓉闕下九逵開。別駕治中展驥來。抵掌事將三輔試。
揮毫賦擬兩都裁。狗屠共醉荆軻酒。駿骨先收郭隗臺。
明到好尋燕故蹟。風塵物色尚多才。

晏諫議上計

補袞虞庭十二章。時時飛騎上書囊。眞看暑月懷冰氣。
不遣浮雲蔽日光。鷄舌再含香入奏。龍文雙佩劍爲裝。
遙知天語褒忠藎。拜手承恩下未央。

掖垣梧竹有餘清展采三年報政成虎豹在山生氣色
豺狼避路懾威名瑣闥日夕當門拜鄉里春陽著繡行
野老託交時已久執鞭相送不勝情

吳比部宅得傍字攀字

九列清卿帝座間郎潛歲晚鬢成斑流言三至驚投杵
謫籍重來拜賜環鵲起吳臺遊客賦龍蟠鍾阜侍臣攀
不緣陰雨衝泥怯剪燭深談未擬還

清時吏隱白雲傍休沐招攜書漏長大廈燕同人入幕
上林鶯爲客調簧竹攢視草官中管花拂初蘭佩底香
高唱一聞秋憲府深慚名姓點詞塲

大泌山房集

卷之四

詩

二十七

高孩之民部上計

才子爲郎領度支戶曹人合易名辭西京筦鑰功居最
南國精華學在茲王事獨賢無執掌公餘多暇有委蛇
將離莫問歸何日萬里青雲策足時

金陵王氣自輪困爲爾文章五色新智別有無三十里
歌難屬和百千人米鹽精力行無倦錢穀司存數可陳
謁帝承明如賜問舟車苦算漢家緡

三日葉仲素太常招集河亭

太常齋罷特相招白袷青鞋野興饒池館近連三禮署
笙歌都按九成韶桃花新水流觴曲蘭葉香風佩帶飄

莫羨永和修禊事兩京全盛大明朝

同朱康侯民部集史紹卿民部王淑士駕部鄭應
尼胡季漸二工部秦淮舟中五君皆同榜人也

東南佳麗秣陵多載酒移舟選勝過六代舊邦新帝命
五君華省共賢科門開臨水青溪曲筵唱傾城碧玉歌
獨有農夫深望歲恒陰恒雨柰愁何
陰陰夏木聽鶯遷可似看花上苑年雨漲秦淮桃葉渡
風流楚澤木蘭船兩都賓主俱才子三署郎官自列仙
吐屬總關經國計含香好奏至尊前

汪太史左遷陪京大行奉使還齊安

大泌山房集

卷之四

詩

二十八

楚材今代盛黃州太史賢書第一流曲奏陽春難屬和
壁懷明月誤輕投鳳凰池上無荀監鸚鵡江邊有禰洲
贏得陪京稱使者錦衣晴晝故鄉遊

大江雲樹鬱蒼蒼天際歸帆道阻長莫問故交還故物
相憐同病是同鄉南音自寫窮途恨東壁誰分未照光
學士雪堂君貫見逍遙人世本無方

李元戎子豫題詩相訊却寄

中興諸將奏功年朔雪炎風地自偏開府桂林銷瘴癘
按兵榆塞淨烽烟九圍是處天威赫一騎非時露布傳
儼狃荆蠻相次定師干采芑蒞新田

烟雨江天把釣筒，遠方書素鯉魚中。七言上座詩相贈，萬里長城勢並雄。驃騎還鄉休戰馬，留侯避世託冥鴻。漢庭人物君能事，不數當筵韻語工。

紫水河縈鐵嶺遙，門連列戟冠雲霄。兵機玄女從天授，瑞應黃人捧日朝。射石南山飛將虎，彈冠中禁侍臣貂。蟠根仙李吾家事，奕葉于今在遠條。

東略西征奏凱迴，闔門圖象列雲臺。彤弓盧矢尋常賜，鐵券金書次第來。別館雅歌良夜奏，荒郊農事暮春開。據鞍髀肉留生否，聞道狼心未可猜。

朱康侯奉使留都還楚

大泌山房集

卷之四

詩

二十九

仙郎持節下承明，留後衣冠擁篲迎。漢署才名傳起草，楚人情話坐班荆。寒銷陰雨綿袍色，夏引薰風白苧聲。財賦東南行且盡，度支何以慰蒼生。

翹翹荆楚舊名流，奉詔新承帝寵優。人拾談宗牙後慧，官叅計相手中籌。兩都詞賦王程得，六代江山勝蹟留。不分南風君獨便，故鄉容易到歸舟。

金陵五日卽事次韻

都市喧看競渡行，中流疊鼓不停聲。當窻白舫青簾集，入幕紅蓮綠水清。鷓鴣舌綠鸚鵡剪蟾蜍命，與蛙蟆并蒹蘆河岸休。輕擲莫有佳兒此，呂生。

五持花豔畫圖張別作城中巧畫粧心著赤符兵白辟
臂牽朱索命同長舊歌桃葉王家扇新沐蘭湯楚晚香
却笑青溪姑獨處開門何取近橋梁

五日端逢夏至辰樓船簫鼓滿河津心誰如水門皆市
步自凌波鞵有塵裙染石榴多結子佩懸銀艾辟邪人
共言惡月不當作拚盡金錢鬪劇新

不讀離騷弔汨羅神弦嬌女聖郎歌酒池牛飲三千盡
粧閣鴛行七十多雨積潮痕平澗浪風輕水面出迴波
西臺已弛行游禁鎮日招搖柰樂何

朱雀橋邊朱雀航人家宛在水中央船名馳馬能千里

大沁山房集

卷之四

詩

三十

術有騎龍按五方絳帳後堂還共見銀河隔岸但相望
日行北陸猶憎短小艇高歌夜度娘

盈盈女對水盈盈日照新粧特地明丹的守宮非月事
綵繩剛卯爲陰生相拋蠅虎淮王豆不啜鴟梟漢郡羹
何事教人莫行樂鶯聲已老又蟬聲

新添三尺大江潮水馬爭馳奪錦標舟似鸛鷺分作陣
河如烏鵲駕成橋乍驚薦枕瑤姬夢壹笑投壺玉女驍
百子屏風九子粽心期惟許阿歡饒

河下船通河上房窵娑士女略相當臨流弄影投珠浦
虛閣傳聲響屨廊目擊總成驚蛺蝶情癡欲學野鴛鴦

歌來白紵堪消暑不道宮羅疊雪香
姍姍繡幄麗人行垂手闌干片玉明
鬪草却嫌非韻事采蓮爭羨出新聲
河中白水心相許堂上橫波目自成
聞道校臨來五帝與誰同乞錄長生

銷夏灣前一館娃秦淮十里美人家
膽瓶寒浸芙蓉萼脂盞香薰茉莉花
皎皎素紈裁月滿仙仙裙帶受風斜
舵樓辛苦舟人婦揮汗淋漓似浣紗

釀金高會國如狂比屋封侯是醉鄉
白羽指揮同社長黃頭厭勝擢船郎
黍筒細縷纏菰葉蒲酒深斟壓蔗漿
剩馥殘膏隨逝水只疑龍戰血玄黃

大泌山房集

卷之四

詩

三十一

日霽風恬不損河千家華館寄流波
緯途袂舉成帷密僦屋錢編買埒多
飛鳥沉魚西子去遊龍驚鴈洛神過
拍浮船載如泉酒餘瀝曾誰問孝娥

送光祿吳翁晉擢滇郡倅大類郝佐治排調語以
資遠游倦時捧腹耳

西南萬里盡王程展驥屏星別駕行
制越一奇收廟算禽蠻七縱罷邊兵
提官隗構詩相和耆老遑耶譯自明
吳隱之原清白吏金沙珠穴任生成

司馬相如與子長文星千古照南荒
才情頗欲追前輩宦跡何辭涉遠方
濮竹節裁椽筆管桐華毳學錦衣章

政成西部新都尉卽奉除書守永昌

炎徼頻年羽檄飛南人聞已懾天威國傳舊譜從陪坐
戶徙新編氏不韋渠帥自矜儻耳飾邑豪常賦貫頭衣
須君上計朝元會辭藻圖經並載歸

昆明簫鼓振樓船不似南征習戰年天馬河收新產子
碧雞山問舊遊仙三郎廟貌青林外四姓軍容赤甲前
莫學姬媵蠻府語專城參佐貴中堅

且蘭江畔核牂牁斗辟千山左擔過勿絕羈縻夷可使
每巖干振卒誰何毳毼著離塵遠衣鉢蓮開妙色多
作佛不如圖作郡州分彌勒與維摩

大泌山房集

卷之四

詩

三十二

半刺威儀衆所殊蠻夷君長爲前驅掃除五尺秦官道
呈詣三重漢相圖天竺賈常通市肆枕椰神許飯行厨
傳聞金碧禹同下光景時時出見無

伐鼓鳴鈺報建牙聲靈震疊竹王家河身成海垂雙珥
山色連城秀五華萋葉藤辛調作醬波羅蜜實大如瓜
樹頭酒熟還堪醉吹徹蘆笙月已斜

大官丞署陸沉年忽起南雲向遠天簿領總緣戎索簡
輪蹄贏得勝遊偏何方聽鳥非鸚鵡是處看花有杜鵑
遂使山名爲判文題輿未敢倚前賢

送順慶劉守

熊轡出牧永嘉年人在容成太玉天投杵不堪三至後
賜環猶是一麾前銘題劍閣文相似夢入刁州事有緣
明到政成多暇日樓開萬卷坐金泉

少年三紀領科名執法風霜白簡生遷客浮沉曾別駕
爲郎拓落在陪京載攜魚佩麟符去遙向蠶叢鳥道行
開府南征師未捷于今郡將有干城

贈安居胡茂才

君家世父畫熊憑德望西川衆所稱詩禮庭闈貽後進
衣冠門第待中興玄經屬草奇難識綵筆如花夢有徵
聞道巴江流作字已傾三峽到金陵

大泌山房集

卷之四

詩

三十三

送喻叔虞北上

千里擔簦躡屨行秋風秋雨若爲情狂生漫滅空懷刺
公子游閒枉得名不學餘光東壁借已傳新賦上林成
到來黍谷巖寒地春氣先迴律呂聲

四十年前水部郎明光起草奏含香故人追憶都成夢
遊子經過欲斷腸藉甚才華三管筆蕭然行李一錢囊
金門待詔新承寵家諱無嫌入鳳莊

諸詞人秋集秦淮水閣分得情字

可道狂奴故態生布衣深念結交情河山不隔當盧好
林水相將入座清燭舉啼鳥疑曙色更闌旅鴈遰秋聲

百年離合渾無定酒似秦淮且盡傾

次叔虞韻贈之

白雲篇翰檢晴窻文苑如君國駿麗追琢句中飛玉屑
題懸壁上帶金釭人占南斗知惟一客難東方信少雙
何物便當名下士空傳楓冷落吳江

民部李元祉起家水部

異代才情水部同可知官屬大司空書傳遁甲開山後
職在河圖括地中一自靈昆開別苑憑誰厭勝起新宮
曹郎不少含香奏獨秉精誠達帝聰

奉詔司農餉戍邊歌來將母遂言旋端居世態風塵遠

大泌山房集

卷之四

詩

三四

啓事才名日月懸赤管筆裁新視草白華詩補舊亡篇
泗濱浮磬東南美並奏虞廷韻五絃

十四夜江生流波館看月分得咸寒二韻

可是織阿處女巖清暉如許隔塵凡團團素出齊紈扇
皎皎寒生越苧衫繫足鴈書秋露寫逆鱗龍領夜珠銜
何須三五成圓景下已登三五上成

不向天門問廣寒金樞宛在坐中看波搖神女珠雙佩
杵奉仙人藥一丸清籟游魚頻出聽深林倦鳥靜相安
酒酣共擬乘槎客小艇沿回繞畫欄

中秋林生楊生兄弟叔弟兩兒小集次林生韻

桂子天香夜轉新，今秋月色倍還人。似憐愁緒侵尋甚，不惜清光照拂頻。兄弟觀濤攜病客，武夷張宴會鄉隣。古來勝事看如此，濁酒枯魚莫厭貧。武夷爲籤鏗二子兄弟觀濤，見七發。帝子千秋帝萬年，重輪明月月中懸。錄成金鑑憑誰進，玉作冰壺雅自憐。蟾兔近窺靈藥就，女牛遙想泛查旋。新詩不減霓裳曲，未許人間譜易傳。

十七夜集許無念宅得佳蛾二韻

兩莢仙萸落帝階，月華猶自散人懷。誰容獨醒狂偏醒，佛許長齋醉亦齋。南郭游從無料簡，東方吐屬雜詼諧。邀歡更有前期在，籬菊秋深日夕佳。

大泌山房集

卷之四

詩三五

秋中明月漸規磨，不飲其如此夜何。久客愁心聞白鴈，美人寒色上青蛾。天空銀漢昭回近，露下金莖沆瀣多。坐待九門鐘漏徹，歸途應免霸陵訶。

寄張平仲民部吳門

東南是處算緡錢，辜摧傷心漢季年。惟有使君清若水，能來估客貨如泉。貨春臯廡窮交好，舍宅王家佞佛偏。誰道一行爲俗吏，風流儒雅事堪傳。

方伯書進士假還莆中過訪

待詔公車有盛名，繡衣新著故鄉行。相逢羈旅衰年色，自念通家累世情。亭上雲霞張帳飲，壺中日月看潮生。

須知休沐君恩在莫以青山忘帝京

重九前一日松風閣社集分得九青

文星躔聚少微星殊勝承明著作庭
六代風流餘嘯詠
一時河嶽集英靈
秋高雲影如衣白
雨過山光對酒青
此日先看滕閣賦
江神不費送揚舲

國華王孫索贈用前韻

蓬戶朱門總寓形
相攜觴咏學沉冥
秋原草爲王孫綠
雨閣烟同太乙青
繡虎多才分八斗
真龍有種走羣靈
三層樓上山中相
未許松風共客聽

重九後一日葉循甫館中得開字

大泌山房集

卷之四

詩

三十六

儒宮一畝小亭開
不著紅塵與綠苔
佳節正憐重九過
同心贏得二三來
層臺戲馬遊方倦
尺素賓鴻寄未迴
坐久飛霜寒色動
菊花深泛掌中杯

諸詞人集吳潤卿六清館得光字

晚晴山凝紫烟光
一曲青溪月一方
垂柳未彫霜後色
品茶猶帶雨前香
才名年少凌鸚鵡
客計寒初典鷓鴣
王謝烏衣文酒會
風流千古可相當

遙送張民部還朝

清郎報政謁承明
繾綣吳儂惜別情
餞水一杯明素節
磨崖片石勒鴻名
艱難民隱含香奏
緩急軍興借箸成

遙望停雲思友處謳吟不盡大江聲

答盧少從民部

藉甚科名三十年爲郎新賦帝京篇
鮫宮絲出春水薄蚌甲珠明片月懸
人以問奇多載酒吏能兼隱不言錢
如雲鵬翼培風厚海運南冥會上天

賀賓仲將歸曲阿置酒言別

徵歌行酒坐忘眠孔禰論交不問年
世事六朝流水外鄉心十月小春前
梅花節近書憑使桂樹叢深隱是仙
最憶秦淮分手夜北風寒雨一溪烟

題仙山樓閣圖

大泌山房集

卷之四

詩

三十七

貌得仙山尺素餘真形五嶽復何如
地平渤海揚塵後天啓扶桑御日初
丹鼎河車長命訣琅函瓊簡列名書
易遷宮似金銀闕四百年來已定居

甘露閣社集得毫字

青蓮居士題詩處想見花生五色毫
海雪天香塵不染擘窠石壁世堪逃
先朝勝事留僧院今日才名屬汝曹
自是文章關造物風流何代少人豪

壽錢太史母

太史詩陳壽母篇上尊春酒奉祈年
四方冠蓋賓筵集五色絲綸帝命宣
入饌江魚垂釣雪相邀海鶴駕凌烟

白龍祠殿前身在閱世三千又大千

爲茅生悼亡

一片琴心兩不違從栖孳尾永爲妃桃花流水芳春去
薤葉迎陽湛露晞骨有胡僧知是鎖翅逢仙客自能飛
可憐蟲腹車輪轉雙淚時時浣素衣

壁間遺挂自流芳明月南端引恨長魂夢往來猶旦暮
神光離合乍陰陽師爲素女圖空列名曰玄妻鑑已亡
腸斷同心相結處西陵松柏老禁霜

寄九江守鄒道卿

儒雅風流畫省郎專城出牧古潯陽鳥聲春入胡床詠

大泌山房集

卷之四

詩

三十八

花氣晴薰燕寢香三五江湖襟縮帶一雙牛斗劍爲裝
塵心淨與蓮同白把臂東林選佛場

吳公勵集舟中

秦淮烟水綠平橋客况逢君破寂寥王氣金陵宮闕擁
春聲玉樹管絃調張融岸上牽船住阮籍胷中索酒澆
名士向來多任誕不如忘物自然超

胡工部母壽

春城草木發天香象服魚軒賜尚方堂下舞斑深愛日
鏡中垂白累經霜游仙福地金庭館獻壽蘭亭曲水觴
卽有頌詩難強進大家工部尚書郎

贈喻叔虞入晉

飛蓬無定遠遊身晉客南冠是楚人汾水素秋雲似漢
關門不夜月如秦慣聽鶯築坊間曲取醉葡萄甕底春
知爾雄心侯萬里單于款塞久稱臣

麴塵絲柳縮征鞍表裏山河取次看高臥遽驚縫掖起
屢遷羞作蒯緱彈天開聖世唐虞夏地裂侯封趙魏韓
人代幾迴風景別三門砥柱障狂瀾

蔡伯達兵部歸壽太公

苕溪春色映簪裾司馬曹郎拜慶初世德並收銀管筆
國恩重奉紫泥書三賓列席行尊讓八座承筐候啓居
聞道蔡經仙籍定麻姑時復叩精廬

大泌山房集

卷之四

詩

三九

祠部周民獻歸省母

里門車騎到仙郎入座衣冠粲幾行蘭省薰風香自遠
槐庭愛日影初長祝釐備舉祠官禮燕喜賡歌壽母章
身在江湖心魏闕君恩無處不榮光

醪餞叔虞得烟字

辭家作客已經年又唱驪駒祖道筵北向雲山三晉合
西征詩賦萬人傳栖神姑射猶殘雪問俗并州不禁烟
最是龍門奇絕處有誰名士可同船

次韻再贈

按歌執扇月同圓畫作雙鸞入紫烟紅雨有香浮白稟
綠波如鏡洗粧前渡江桃葉堪爲楫糝逕楊花可當氈
行樂少年春色好那教分手不情牽

寄王學參憲伯兵備上江

璽書朝下晉陽城千騎東方擁傳行賜履股肱瞻日近
談兵咳唾覺風生黔山鑄鼎黃圖啓澗嶽登封漢時平
南斗夜來先避舍文星長共福星明

送忻城趙伯入賀聖壽

筦鑰司存帝舊京七年功奏卽戎成指揮虹向青萍繞
談笑風生白羽清南極老人朝斗去中秋使者泛槎行

大泌山房集

卷之四

詩
四十

江臯天外三山色持贈仙班祝聖明

黃雀風來夏正長御風青雀自迎涼獨陳庭實千秋鑑
遙奉宸嚴萬歲觴柜鬯恩頒臣虎拜蓼蕭歌奏國龍光
金貂不少元勳裔才具誰堪託鴈行

大泌山房集

大泌山房集

大泌山房集卷之五

京山李維楨本寧著

五言長律

丙午後作

唐叔祠

少小能開國勳名豈偶然帝從娠命子叔以大爲賢唐
誥堯書後虞文舜典前疆臨戎索迥星紀實沈遷剪葉
王無戲歸禾史有篇九宗收衆望五正肅官聯分物庸
昭德仁親不尚年龍山標重鎮汾水帶長川啓晉承家
遠匡周卜曆延一丘平宿草四壁鎖寒烟夏服誰餘裔
參虛自舊躔飛梁歛疊石懸甕墜層巔何所來神女荒
瀆藉談猶忘祖往事轉難詮

送人官滇中

萬里牂牁國何年畫井疆禹功疏黑水軒表定青陽吉
乎生龍子叢祠賽竹王堦風雄拔屋蔭露重沾裳象教
皈天竺人烟斷夜郎七禽威懾漢五尺道通常耆老夷
經學兒僮變弄粧金沙連越嶲瑯珉海入瀾滄寶布幢華
細番書貝葉蒼三刀州合夢九折險初嘗明月尋遺社

南雲豁大荒滇池無戰舸沫水有繩梁野吹蘆笙小村
酤樹酒香次工持作禮戎索奉爲章樂土哀牢近恩波
惠嫻長河窺元馬蹟山見碧鷄光包匭來烏爨聲歌遂
白狼仙查攜蒟醬驛舍飯枕椰蠻語聊相贈君其試省
方

寄子壽王孫

結客諸年少王孫美且都臨池希草聖鼓敵花奴鉛
槩千秋業丹青五嶽圖中心能好士南面謝稱孤對酒
梁園簡分庭楚履珠一雙談賜璧三百聽吹竽渾沌容
施畫蚩冷任刻符不知叢桂裏可着老儉無

大泌山房集

卷之五

詩

二

賦王閩帥署中雙槐因爲贈

懸象虛躔上分根帥閩中土膏肥五沃位面正三公綠
潤非關雨朱明自御風政應甘露降瑞表赤烟籠覆地
真爲穴當門託守宮伐柯無匠氏服實有仙翁涼襲輕
容薄清浮凍縹空戟支條挺勁羽葆葉成叢障日旗雲
掣干霄劍斗冲合歡頻聶炕作對競雌雄累德前規在
懷人遠道通寄情玄盛賦置候孝寬功繫援私能却摩
挲意不窮張帷籌婉婉結耗蓋童童聽事隋堂重談經
漢市同將軍元秀士大樹好如馮

題沈納言浮玉山圖

有序

納言沈公事三朝敷歷中外平粵撫晉聲績最著環
觀槐棘之班五十年科名宦業惟公一人而已屢章
請告未允以浮玉山圖索賦篇中縷縷時艱并致誦
述慰留之意云

滄波凌片玉欲界見清都疊石羣峰秀臨川衆壑趨栖
霞濃罨畫得月貯冰壺舞鳳翔天目游鱗遡具區澗分
黃蘗寫洲帶白蘋鋪塘柳眉相亞溪茗色並姝烟嵐饒
變幻江海遞交輸岸匝青油幕津牽錦纜紆管絃淹蕪
炬羅綺豔當盧值翻振振鷺流觴泛泛鳧風光疲應接
歲節盛歡娛恟氣鍾人傑藏修出相儒讎書黻荻火照

大泌山房集

卷之五

詩

三

乘射村珠捫腹芸相柱揮毫藻繪敷美稱翻竹箭偉嘆
禮菰蘆皇網麟居數賢科駿按圖薰香侍史帳溫室罽
賓稊魚佩鴻雙導熊轡鹿夾驅喚咻民膏病脅息吏睢
盱已汰征徭冗仍寬文法拘閭閻芟枳棘淵藪雜萑苻
齋掛陳蕃榻家裁廉范襦賣刀寒燒壘端冕露膏濡熒
惑俄看徒甘霖豈待零兼資優借著敷歷驗穿杆英蕩
榮頻捧輜軒事每諏眺梁紛俚獠專閩控賁禹象郡蹊
采阻狼荒路更迂蠲舍沙噴薄鳶墮霧糝糊筆箐鋒犀
利禾茅瘴毒痛颺颺冬颶烈比景午晴晡臂蹶鬻繁弱
脈騰建祀姑銳師先撥醴逐寇北摧枯吠犬驚飄雪麼

蟲殺牡棹掃除暉痛盡疏捕技窮鼯赤髀粧黽結垂肩
絕錄錫灰釘實賦贖榷斧藁街誅奔鴟冤收泣斑蚌膽
屈胸猩猩啼就縛狒狒笑遭屠翅粉粘鸚鵡鉤斬腊鷓
鴒糖牛鹽掣曳委貝胃齶齶椰殼銜杯剖藤紋執榼剝
榕遷鶯恰恰梅繞雀跌跌豈蔻花纓絡枕椰麥屑麩城
諧癸水讖醜訊泮宮俘木契音鞞譯匏笙竅唱喁鉞基
擔弩父冠憤給精夫貨貿干欄賈災禳卯卜巫砂尋勾
漏穎鬯薦鬱林酤甌駱通包甌湘灘下舳艫腥聞苗遏
絕關斥鬼挪揄疆理秦開粵炎蒸蜀渡瀘彝常袞姓字
弓矢貺彤茲踰嶺標銅柱登恒索寶符寢戈君子卒唱

大泌山房集

卷之五

詩

四

角小單于內政行軍寓留屯轉餉需倚轅營輻輳踣鐵
騎輻輳鈐析陰陽訣旌麾左右孟采薇詩遣戍羽獵賦
誇胡牢廩時巡有環瑱暮餽無談邊憑聚米牧序積蜚
芻敝袴那輕賞簞醪卽大酺彌縫被組練譁扣亂錚鈎
嚙膝騰探趺魁頭奮跣踣鴟鴞憬革魯蜂蠆鑿卑邾畚
甬身爲植綢繆口茹茶崇墉險走集間謀杜闕闕覆載
恩原溥羈縻術孰愈所期襄獵狃底用髓余吾井鉞藁
閒戢臺駘崇亟徂請和因冒頓敦信示鮮虞編戶恬安
堵樓亭歇秉枹誦箴錢樸滿揭令瑟醇愉惻隱求蒙枯
慙慙旣濟繡品題遊墨綬謠俗察圭窬雲引思鄉睇霜

疑攬鏡鬢金鵝培地脉司馬握兵樞慈母疑投杵鄰兒
訝竊鉄肯隨俗偃仰直以道隆汙秋興尊千里春情舸
五湖夢祥徵鹵溥嘲解識粉榆信步南岡上旁觀西塞
隅泓澄潭鈿鏘竚窳洞猗玕遠岫耕長犢新醅敵氏鳥
攀蘿支柳櫪沿葦刺艇舫餌鯽初肥鯪羹調細膾鱸芰
荷奇製服櫻笋剩供廚顧渚芽茶嫩窪尊醴酒醺圍基
姚紵甕鍊藥葛洪爐項浦懷扛鼎胥濤弔屬鏤後房桑
捋女別業橘監奴邸閣遙依屋畷田減責租織簾學靡
倦揀布性宜麤客訪百僚主儂歌七曲歛鷄壇盟獨踐
龜紐兆非誣朴野陪爭席澆漓返破觚陂門歆席臥營

大松山房集

卷之五

詩五

宇授經須臾昂昂鶴場維皎皎駒巖瞻懸宿望廟議
渴嘉謨勸駕車重耳迎歸鳥遜膚鞠躬深偃僂稽首讓
斯及喉舌王之命夔龍帝曰俞宸衷心啟沃國祚力匡
扶鎮日嚴簪橐從星聽屐絢納言思疊疊茲患慮瞿瞿
讒皇緇滄素邪閑紫奪朱補成周職袞諫伏漢規蒲樹
德連橋梓合輝映鄂柎渥注多騷曩丹穴總鸞雛閨韜
聲腰鼓盤餐味乳酥鴻名珍琬琰喬翰擢珊瑚鞠獄張
湯幼摛詞謝朓腴苑稠天冶杏巢穩葦萋梧鴈序升華
貫騶訶儷廣衢屏垣儀二伯闕閱甲三吳舜甸曾饗餐
堯階亦窳窳偶然疎桺兕遂使漸攘綸巧媚來鳩鴿囂

鬪集螭蛄權侵寵皂熏覺惹趨羈縻是椽皆能權何闔
不作及卉首搜鞅羈戎徼致銀鉛瘦削伐山骨縱橫掘
冢顛樂郊哀頑鼠涸澤怨鵝鷓竄徙毆鷗鳥披昌假虎
狐莽叢饑饉牝糠覈哽咽舖只自耽擎斂其誰任府辜
承祧潛盼蠻講幄綴電鼉毫社謔如叫鶉躔食在味殿
廷銷煨燼省寺翳荒蕪揚越蛙生竈燕齊豕負塗脫巾
舒憤懣輓粟困踟躄菑捷河彌梗膠舟土費掾鋌癡纜
枿棟烽警復玄菟京輦妖醫帛菴冷賊入邪靈昆餘朽
蠹神策擁罷驚債帥貪償券材官愧設弧樵妍羸環鎧
歎豚泄吹狐扞格牂牁枸謾調肅慎砮金蓄偏易隔閭

闔杳難諱訛訛焉知玷蒼蒼信泰撫緯蕭逢逆領決杖
劇警呼奏牘堆塵度封囊蓋警說銀鑄緹騎粹罔楮
衣吁傳赦蠅稀遘增坏蟄未蘇身充魑魅禦魂共鷓鴣
殂刃印虛綸組攻瑕掩瑾瑜羈愁彫瑣尾銓拜賭搏捕
壅防將潰陵夷勢可踰謀猷元老壯容貌列仙癯薑桂
辛滋甚松筠質匪渝永安存故壁碧落緬前途濟濟僉
推轂斤斤但守株乞休詞指懇援止詔恩殊楚鬻矜持
算商丘雅好竿况膺荃宰寄莫論草堂通靖獻箕辭遁
周旋甯若愚明農予且去告汝朕中孚朋壽諸艱試宗

臣一代模十年功課最八座典刑孤療疾休遺類酬知
判此軀競辰惟鴉鳴陞甌必駒駘急浪招蘭槩凌敲想
蕙莆果哉評擊磬咳也勇乘桴奚取逃空士寧同翫世
徒彈琴希荅響意與炳牙俱

曹允寧水部心遠齋

方丈端居室悠然與世違清香凝座滿俗駕到門稀嶽
色遙當戶京塵不染衣放歌啼鳥和對酒落花飛日涉
閒成趣天游思入微雲霞邀翰墨山水寄音徽謾謾風
鳴籟溶溶月鑒幃會心寧在遠吾亦澹忘歸

楊自虞民部兼隱園

大泌山房集

卷之五

詩

七

客路淹行役仙曹遇故知散衙秋氣爽下榻夕陽遲夢
寐曾千里流連此一時探奇頻問字諭志各言詩拂石
成碁局捫蘿岸接羅香風蘭被阪涼月竹交池目送冥
鴻遠身閒野鶴隨綺談生塵尾芳醕命鴟夷語及官家
事悲歌學五噫

曹穉春水部濟上泉亭

統如津吏鼓誰問五湖船命駕勞傾蓋升堂寵肆筵清
心門外水洗耳竹間泉疎樹留殘照孤城裊暮烟奇文
雖覓字高詠白雲篇池墨籠鵝後床琴舞鶴前秋聲風
撼撼寒色月娟娟小隱無相媿郎官儼列仙

長至

天樞瞻北遠，日景至南長。
羲御臨狼駿，伶筩學鳳凰。
彤墀亞歲禮，黻座萬年觴。
架鵲珠星度，牽牛璧月光。
書雲脩魯史，推策纘軒皇。
協氣諸生蕩，新烟五夜香。
風聲從廣莫，復卦養微陽。
歸路經徐國，懸流斷呂梁。
鵠鴻班舊點，犬馬意難忘。
雪斲葭灰白，冰漸玉琯蒼。
閉關安卽次，進履愧成章。
黍飯玄冥餒，菑餐赤豆禳。
有懷惟一線，何以補垂裳。

夜泊淮陰

故鄉天萬里，孤艇月三更。
漁火舟中市，人烟水上城。
葉

大泌山房集

卷之五

詩

八

飛霜片片砧，送漏聲聲幻。
影弓蛇出詭，言市虎行緋。
袍憐范叔左，席笑侯嬴齒。
以栖遲暮身，從感槩輕錢。
神羞寂莫，劍氣枉縱橫。
苦海那能渡，糟丘未可營。
稻梁隨地有，鴻鴈自哀鳴。

泊廣陵卜居

一身依短劍，八口寄孤城。
舊事江湖落，新愁野燒明。
丹楓隨岸遠，白雁遡風輕。
隱几還家夢，抽簪去國情。
蘧蘆原暫託，嵒窳幸偷生。
鑿壁光容借，傭春力可營。
羊腸如脫險，蝸角復何爭。
爲謝諸亭長，吾當事踐更。

甘露寺

春色霽長林支筇上碧岑梁空新燕入徑仄落花深流水涵空相歸潮蒼梵音鳥依珠樹下龍護寶幢臨井邑分吳楚山川自古今江聲無日夜東去惱鄉心

贈蔣生

一壺誰共隱三逕不言貧物有時爲帝名堪數借人詩情超俗韻酒態見天真山水絃中賞烟霞物外親片言傾蓋合累日把杯頻贈以同心結因之折角巾相攜歌子夜莫問妬庚申大藥何年就吾其負鼎薪

集汪氏園亭

墻東曾避世君亦隱旗亭脩竹交加逕垂蘿詰曲屏遙

大泌山房集

卷之五

詩

九

山浮積翠片石削空青地卽槐安國園開芍藥廳林烟春冉冉花氣晝冥冥彝鼎陳宗器圖書布廣庭過從屠狗客商略種魚經惹袖香非霧當杯酒是星妖童渾似妓侘女慧於伶燕燕同聲應烏烏快耳聽舞筵紅雨墮歌管綵雲停子夜裁吳苧夷光載越舸容華三婦豔唇舌五侯鯖廚供新櫻笋蠶行蓄韭萍蟹螯何郭索鶯語太丁寧饌飫千鷄跣鹽粧二虎形茶烹初摘茗羹和古來劔薦蘘溪毛滑能蠲海錯腥不須酤下若耐可軟中冷抱膝舒長嘯酡顏笑獨醒鄭莊深結納王粲感飄零拙矣爲瓢瓠羸然汲井瓶人誰知我貴老未解天刑舉

燭霞餘綺鉤簾月奉局繞枝啼宿鳥入坐點疎螢莫便
催歸騎清談正爾馨

程生載酒邗溝縱談時事分得交字

程生古狂士言志大嘍嘍虎踞談經觀螭蟠載筆均噉
名羞小草撮勝建前茅井累投車轄門通置驛郊索居
虞得過減產任相嘲自擊中流楫仍呼共濟匏雅情寄
泉石名理固函嶠溝是羸秦鑿舟非楚漢膠艾荷衣可
製秔稻飯新抄粲以徵歌盪針將把釣敲鱸蓴來故里
蝦菜出行庖報李桃誰餉浮瓜杞未包不占分水夢那
問涉川爰壁馬河難塞桑田海易淆雨淫愁害稼日費
大泌山房集 卷之五 詩 十

苦拳菱單弱諸邊頓逃亡萬戶拋朝儀成弗廢封事象
號呶微者皆煬竈彼哉亦斗筭獻芹空美味食藿謝嘉
肴磊塊澆紅友綢繆託素交人情深似洩身世幻如泡
相失駒千里知希鳳九苞讀書囊赤鳥罷獵繫青骹逆
旅貂從敝留賓兔可炮恩波猶溷鮒稅苑枉騰蛟習習
風蘋末娟娟月竹梢榜謳訓倡返烏鵲已歸巢

芝石主人詩

六十杖於鄉行年未遽央少微星獨占化國日偏長汗
漫遊仙詠神奇却老方金焦雙屐屐遍江海一刀杭瞳以
還元碧眉從服氣黃紫芝持作葢白石者爲糧大矣先

生號絃歌獻壽觴

吳翁

延陵觀禮樂魯殿賦靈光豈不賓王國其如戀故鄉紅
塵揮手遠白谷遯思長理詠依梅閣移文謝草堂桐陰
秋色淡桂影月華香壓酒銀絲膾調冰玉椀漿鳳麟人
濟美羔鴈客成行東海添籌算南山入頌章向聞仙跨
鶴真見上維揚

西天寺卽事

勝選龍樓外名標鷲嶺西花宮秋見蝶竹院午聞鷄綠
樹交簷密青山入戶低跣趺茵藉草登頓杖扶藜羅什
大沁山房集

卷之五

詩

十一

兒求母耶須佛有妻柰開妃出世蓮種子生泥米汁同
彌勒袈裟亦羸提神偏憐駿馬頂可集芻尼止酒陶元
亮移文孔穉圭坐來疎雨點吾欲問摩醯

謝章仲子眉生枉過

明聖湖邊寺相逢秋雨中天然麟趾美霧隱豹文工得
筆知惟峻過談喜就戎人情棄苦李仕路逐飛蓬濁世
佳公子泥途老秃翁不堪悲四鳥况復妬三蟲惠顧通
家舊深憐逆旅窮佩攜龍劍合門啟雀羅空驥尾名叨
附鷄壇信有終締袍分范叔玄草問揚雄眉起濤前色
頭驅檄後風楚愴何所有幸與古人同

金陵迎春

是歲正月三日

青陽元震位白下况神京家貼宜春勝人兼賀歲行雲
光占魯史月令布周卿警衆靈鼉鼓前驅析羽旌朱衣
分函簿赤棒錯柴荆煥煥都街繖森森武庫兵物華添
紫陌御氣合蒼精傀儡開場劇勾芒簇仗迎碧油車絡
繹金勒騎縱橫酒貫當盧貴錢攤買垆贏柘枝歌舊曲
桃葉度新聲剪綵飛雛燕吹簾學早鶯五辛盤菜玉百
子帳香纓樓聽翻魚笑臺看引鳳鳴招搖過衛市側出
拊齊楹有戶簾俱軸何門席不衡胡天又胡帝傾國亦
傾城坐促薰籠暖廊傳響屨輕額黃先柳發面靨寫花
大沁山房集

卷之五

詩

十二

生少女風微至瑤姬雨乍晴禳田知土潤馳道喜塵清
司啓時爲柄農祥曉正明如狂一日樂無蓄九年耕寬
大書裁否安危屬老成

次韻訓高孩之民部

賜履營丘後泱泱表大風末流多鹵莽特起屬英雄瀝
汰羣言盡身兼六藝通岱宗五嶽上海王百川東地軸
鰲分極天池蜃駕空古文傳伏勝博物見終童闕里書
懸甕臨淄字隱銅菟羅金石外品彙槩鉛中皎潔齊紈
素靈光魯殿工星辰高指掌雲夢遠吞胸竹簡山藏副
芸編棟可充栽花潘令縣起草漢郎宮計相籌全借詞

曹望最隆主盟牛耳獨展采鳳毛同會接夔龍武羞稱
管晏功誰先容朽木自下問焦桐投以珠如月貽之劍
帶虹帝偏求象罔朕再遇鴻濛郢客無漫聖荆人已失
弓若爲將報李瑱尾一衰翁

答季鳳尊生子斗宗侯贈詩兼寄青門社諸子

詩道陵遲日紛紛出異途屬將欺魯鼎吹亦濫齊竽北
地開山祖中流砥柱孤遂令朱邱客半學白衣儒圭璧
藍田種衿紳絳帳趨銀潢源自遠玉葉世相扶漢阜來
龍友秦簫下鳳雛藜燈煙馥郁蓮嶽露沾濡博物劉中
壘嫺辭屈左徒數千歌寡和百二勢難踰雅樂三雍獻
大泌山房集 卷之五 詩 十一

題林郡理卷

君才冠七閩龍劍躍延津射策登高第明刑試準人二
千石共理三十歲方新汗漫無河伯冲虛有谷神風霜
從執法雨露自施仁恢網傷弓羽恩波涸轍鱗聲名輿
誦滿治行薦書頻曆數天開子春光斗指寅並驅惟駮
駮畫像必麒麟海國瀛洲近還輸九斛塵

李郡伯壽母詩

有美三秦傑，慈庭實發祥。鳳來肩上集，熊取膽中嘗。孟
宅鄰頻卜，韋經后克昌。蜚英豐水芑，遇主渭川璜。荆楚
原侯服，粉榆況帝鄉。成蹊周史李，載路召公棠。風振蘭
臺爽，春迴郢曲長。河渠堅白馬，水怪息商羊。遠渡江陵
虎，潛消沛野蝗。兩歧麥競秀，一本礎鋤強。鹿轂占爲瑞，
麟符眷異常。藻芹登七校，稼穡積千倉。被化先南國，忘
憂樹北堂。雙魚珍入饌，四牡諗遑。將命婦邦君，禮詩人
壽母。章五原能政，助萬石令名。揚月令端逢臘，天家近
向陽。孫枝看鵲起，官誥展鸞翔。儉心如素恬，愉鬢未
蒼雪。華明匝葉霞，綺襲羅裳隨。喜鴻軒舞，高眠燕寢香。
大泌山房集

卷之五

詩

又十三

橋陵丹九轉，漢浦佩重光。掌露金僊液，頭盆玉女湯。共
持朋酒饗，于以祝無疆。

六言長律

丙午後作

贈鄧孝廉

指數豫章羣彥如君才調誰同雙龍南斗江上孤鶩落
霞閣中老幹霜皮溜雨長懷雲翼搏風張融玉海書富
孫綽金聲賦工到處逢人說項當朝有容薦雄鳳池裁
詔五色虎觀談經一通高步飛黃服早勝情泛綠依紅
紫宸香案仙吏肯念羈棲病翁

胡翁少爲諸生退而隱於野年七十矣有嬰兒之
色其子茂才與所善周使君徐文學乞言爲壽

白鹿山中授業司徒府外遺冠清芬累葉誰似雅尚一

大泌山房集

卷之五

詩

十四

枝自安夙慧食牛舞象多才綉虎驚鸞執經談槐市
負笈從遊杏壇鑄鼎折鉤喙末運斤漫聖鼻端齊門莫
辨竽瑟楚澤空紉蕙蘭勿用潛龍螭屈何分斤鷄鵬搏
烟霞癖深媵理日月華枚老殘鶴髮千莖儷雪鷄皮三
少成丹澆胷磊塊轟飲寓目逍遙大觀涉海先窮道岸
懸河不竭情瀾佳兒鯉對能學野客鷗盟未寒徐稚生
芻表德周郎醇酒交歡肉糜鳩杖初賜雲母雌黃可餐
還有蒲輪束帛春風同到江干

逆珠簾在隆慮山

何處藥珠宮闕門張珠箔纍纍聲諧金石九奏氣挾風

霜四時拂曙河繩低度清秋江練紛披一鉤新月不掛
幾縷閒雲共垂初旭射虹宛宛輕吹飛雨絲絲鮫成綃
罷猶泣龍墮髯來可持嶺穴壺傾神漢峰亭幔設武夷
瓊漿百飲難竭銀漢七襄較遲功德西天派衍朝宗東
海波隨呂梁縣三十仞秦殿塞五丈旗香散蝦鬚未卷
塵銷塵尾停麾冷泠逐蓮花漏濯濯灑楊柳枝姑射雪
膚綽約崑丘玉液淋漓雷轟電激相薄岸谷滄桑詎移
瀑布匡廬競爽建瓴高屋亾奇載酒客依帷帳窺簷鳥
避罟罟含輝圓折方折颺采淪猗直猗霧縠冰紈粹蔡
山玄水蒼陸離縹蕭貧士可業賣卜幽人自宜麟毫翠
羽安在照夜却寒胡爲倒影千峰攬鏡承流萬壑奉匱
世緣洗耳無染仙路尋源在斯我欲考槃阿澗陶陶終
歲忘饑

七言長律

丙午後作

秋日有懷王百穀賦寄

白榆寒色墮胡床渺渺懷人水一方
鵲起吳臺誰並駕鴻居震澤自隨陽
賃春廡下貧非病避世墻東老更狂
千里景光懸匹練五山靈氣合干將
湖頭橘比封君入佩裏蘭生大國香
不分伍員終覆楚轉教司馬倦游梁
心驚投暗珠如月髻易悲秋字挾霜
揮手風塵何所往天門咫尺在金閭

花燭詩爲顧小侯所建作

閭闔車牽馬駸駸今夕何緣得到今
名姓前身鑄琬琰

大泌山房集

卷之五

詩

十六

婚姻累世媾丁壬射當屏雀應非偶
食必伊魴最所歆開國元勳誰與匹
高山令德自堪欽藍橋仙子玄霜杵
錦里才人綠綺琴鴈以隨陽歸旭旦
鷓能擇木集平林禮成百兩盈門爛
曲奏三星在戶臨白玉床頭顏比玉
黃金屋底步生金頻偷阿母千年藥
乞巧天孫九孔針嫋嫋鬟分雲葉彈
泠泠膚受雪華侵鮮卑秀頸渾無異
豈蔻合胎半不禁並蒂芙蓉鏤作鏡
五文靈粟絡爲衾動搖七寶畫團扇
繚紹雙珠玳瑁簪連理帶交連理樹
合歡襦刺合歡禽雕籠紅豆拋鸚鵡
彩勝香奩剪戴鴛烏鵲駕填河皎皎
鳳凰簫吹月沉沉舒顰柳學織眉淡

索笑花迎喜氣深，穠彼李桃羞豔質。引郎松栢結同心，
凌波洛浦神飄忽。行雨巫峰夢滯淫，遮莫傾城憐絕色。
由來種璧是奇琛，皇娥鼓瑟璇宮夜。素女張圖綉閣陰，
幼艾好將長劍擁。藁砧愁向大刀尋，栖遲鎮日鷓鴣翼。
欵語和風燕燕音，看取迷樓忘早晚。嗔言列宿有辰參，
饒他諸娣從韓媧。祈爾多男似太任，澗藻溪蘋湘綺釜。
澧蘭沅芷襲裾襟，已諳蠶績縫衣事。更做鷄鳴雜佩箴，
展矣委佗宜象服。敬哉申命記，施紵顧家夫婦詩。相贈
流播詞場擊節吟。

七夕喜霽分韻限體

大泌山房集

卷之五

詩

十七

陰雨秋宵漏轉長，盈盈一水自參商。怪來三日霖俄霽，
喜劇雙星會不妨。結綵樓通天路近，支機石瑩露華香。
明河清淺容微步，新月嬋娟照靚粧。百子池頭波瀲灩，
七襄雲際錦輝煌。憐伊桂魄終孤影，空爾蘭鐙設九光。
鶴以游仙飛作蓋，鵲隨靈匹架成梁。赤龍倘爲安公下，
青鳥應先阿母翔。搗杵誰家思燕婉，沾衣今夕看牛郎。
遙憐故國諸兒女，乞巧穿針夜未央。

貞成以雨中雪花詩索和按詩云霰爾雅云霓皆
是物也少陵帶雨不成花五字盡矣工爲形似之

言聲調愈下貞成無以此名長技可耳

莽翳青腰競作威相持不解轉相依
真看擊搏如星散
贏得泥塗載路歸
桂子金波香更澤
梅梢粉萼綻將肥
穀精汁漬蠶沙播楚瀝
杯從馬足揮
剪水并刀花漸吐
濯枝江柳絮難飛
濛濛稷下平疇細
漠漠淞凝遠樹微
集霰先知陽氣脅
濕灰驚見地文機
賣絹淵客珠垂泣
屑玉仙人露未晞
賞詠定求何所似
謝家兒女是耶非

附答貞成問字小柬

爾雅霽爲霄雪楊用修云霽當作霄從介音屑徐鉉誤
以霄爲霽云雪著物則消此說可笑陸佃云閩俗謂之
外雪今名雪霺雪音相近霽音相近或謂雨霽齊
語本作霽與霽同霽音先雪之先見者亦作消非見
現曰消之消也君識過侯芭余學愧子雲可與博覽者
參之

六言絕句 丙午後作

留雲館

蕭然禪處張益毫社興時入房未若漢臯精舍朝朝暮
幕相將

對君怡悅難贈附爾聲名不窮盤薄郇公字裏馮陵司
馬賦中

成象中規中矩書祥非霧非烟崇朝膚寸而合四野甘
霖沛然

弈者王生

官除中正抗讎無敵人間積薪伎倆君家習貫不知誰

大泌山房集

卷之五

詩

十九

是前身

機心必有機事坐隱何如坐忘已學吾家巖老憑誰寄
語中郎

但可人羣游戲莫教天帝取將杜門不敢相眄爲愛山
中日長

題畫

水面田田荷葉墻頭纂纂棗花士兮贈之以藥女也不
續其麻

隋苑螺橫山黛吳門練曳溪紋石橋糝逕紅雨草閣鈞

簾白雲

戲詠水鬢

久知斑鬢如銀繞
涿霜華斬新莫是藐
姑射上肌膚水
雪神人

離離坡竹含粉鬱鬱春
苗吐芽試取并刀鐻
白仙人剪水飛花

有喙何能三尺唾珠也
自繽紛司空不用纏帛
笑殺雲間陸雲

吳下將軍問紫艸中
兒子呼黃丈夫有真意
氣如戟枝枝凝霜

銀海玉樓一色水紋樹
介生身蝟毛磔縮何異
呼馬呼大沁山房集

牛莫嗔

蔭伏琳條如見懸流玉
筋非誣晉人召我將往
不曰堅乎白乎

問劉為汪貞卿眇狂作

誤我五官中郎笑人蕭
同叔子驪黃牝牡之外
相馬通於相士

微雲可點明月貫日高
飛白虹試問重瞳稱霸
何如一淚爭雄

清涼石

一毛納十方海一芥藏
十國封咄爾身同丈六
衆生自

合寬容

虎丘一片通靈能解生公講經如是曼殊床上應來萬
衆同聽

邢子愿木瘦瓢可容一石凝塵膚寸因以調之

不論督郵從事都成烏有子虛我姑洄酌行潦君子之
交淡如

虛以守中嗇取無之爲用善藏傷哉斗柄西揭挹我東
人酒漿

可是裴家雌樹將無嶺表楓人生也附疣懸贅從他用
舍何嗔

大必山房集

卷之五

詩

二十一

瓠堅如石無竅不可以盛以斟吾子誠齊人也千秋田
仲同心

怪爾不能食酒晚成大器虛有人間一石文才妬殺多
分八斗

慮以爲樽大矣度之不在江湖常無欲觀其妙子豈蓬
心也夫

齊有曲轅社樹處乎材不材間製爲瓢可貯酒惜穀其
如老慳

中賢中聖信乎百榼曾師百觚雅與酒人游好可能醉

二三無

以百人抗浮走不如使一人持君其贈客無吝客是鴟
夷子皮
大癭其形甕菴視全人脰肩肩木猶如此爲寶好怪齊
之俗然
強而命之曰洗挹彼注茲明水左海東榮禮乎同若游
戲焉耳
剖之其大呀然那得移封酒泉不分犧牛白虎徧從廊
廟周旋

贈嶺南黃孝廉

八桂番禺競秀一枝庾嶺先春相逢傾蓋相語玉樹英

大泓山房集

卷之五

詩 二七

英照人

第一潁川治行無雙江夏文章君家世美如此尚釋思
之勿忘

華亭王翁人日七袞五子二登賢書曰

一鶴雲間仙侶二龍洛下才名成羣羔鴈相賀圖畫知

滿列城

人日得全勝日壽星躔少微星金花雖巧何貴七筴堯

階有冀

登第崔家兩鳳齊名馬氏五常春催花萼戲綵風遞項

簾侑觴

貌矣五侯七貴悠然三泖九峰兒孫爲此春酒介壽賦
斌禮容

大泌山房集

卷之五

詩
二十三

敏歟容不兩風齊名馬氏五帝春催
濂矣王對子貴恣然三泖九峰兒孫爲此春酒介壽賦

五言絕句

丙午後作

宜城道中酒家

繫馬青帘外春來投酒多無言九醞苦行路苦如何
寒光生積雪竹葉自青青化作杯中物人間難獨醒
葡萄初醖醅漢水色相似雪逗綠波春跳波自素蟻
山中酒家保曾是漢郎官莫有逃名客逢人著意看
襄陽周明府去思碑

一片他山石巋然峴首留行人紛下淚不是爲羊侯
明府挽不留輿人誦未已癖殺杜征南浮名沉漢水

江千曲

大泌山房集

卷之五

詩

三十四

江漢源非一合流歸海底如何同心人翻隔一江水
欲去君難別將留客見嗔江豚急吹浪爲我殢舟人
江南磯黃鵠江北洲鸚鵡雙宿復雙飛不似儂歡苦
漢廣不可泳江永不可方妾心如此水歸但守空牀
雙淚逐波流孤帆隨鳥滅怪殺江上出無端名大別
江漢有漁父高情君不如未能得比目但莫忘前魚

周生寫照

猶有蓬之心俄而柳生肘問君益三毛可覺神明否
不登結客場差有丈夫氣攬鏡長新絲無勞更相諱
荀家奪鳳池漢苑圖麟閣賴有顧長康置余在丘壑

委形大塊間過隙駒何駛底事復丹青未能免俗爾

張貞婦

都門諸女兒紛紛日游冶可憐年少孀紅塵了無惹
深夜織流黃素心良獨苦孤兒亦解事操筆成機杼
天祿太乙翁燃藜圖列女有子自能圖貌爾在何許

采蓮曲

家在橫塘住來往貫風波日暮蓮舟返采蓮誰較多
蕩槳蓮花間共道花容好莫將身比花花容良易老
侵晨結女伴同泛若耶船停橈相顧問可有並頭蓮
荷葉隨風翻露珠如雨泣忽憶遠行人淚搵羅衫濕

大泌山房集

卷之五

詩

三五

汪孝子廬墓

孤兒深念母母亦念兒孤隴頭植松檟相伴有啼鳥
生平閨閣中不省在荒野有子日相依婆娑墓門下
白日倏云徂黃泉不可見西風搖宰木迸淚如飛霰
日中莫倚門日莫莫倚閭一壑復一丘見與母同居

題畫蘭

楚人有雜佩可以祓不祥願言踐臺省奉爲王者香
光風九畹來芳菲襲人美惟有同心言清芬宛相似

贈醫僧

文殊令善財是藥方收取拈得一莖草生殺人由汝

不愛兜率官稽亭把茅葺門前多病人度生固爲急
戴生壁立齋四詠

四壁何所有須捷鷓鴣裘朝來謀一醉已向酒家留
四壁何所有囊懸綠綺琴絃徽都不具得趣箇中深
四壁何所有三尺犢鼻褌令尹時相過怡然自應門
四壁何所有一通子虛賦狗監無鄉人吹噓天上去
王生談禪而好遊因成三絕贈之

身毒旣西來函關更西去試問去來心虛空無所住
一笠復一瓢往迴日萬里復有大神通須彌納芥子
宣尼無暖席墨氏無黔突君學西方人桑下不三宿

大泌山房集

卷之五

詩

三六

贈客以海樵爲號者
人皆樵于山君獨樵于海彎弓掛扶桑楚言何足駭
滄海變桑田方可容樵斧儻逢仙人棊樵斧置何許

題何使君山水卷

身披紫綺裘手握生花筆登臺發嘯歌人間鳳凰出

右鳳

臺懷古不聞佩玉籛無復蘇門嘯泉聲今古同明月時相

照右百泉清賞平湖三百里飛泉三百丈誰遣墮人間回頭

似天上右彭蠡望瀑潮勢傾滄海江聲下富春西湖剛十里

偏耐醉游人右西湖泛舟

朱生以庚寅日舉子與祖同干支名曰同祖

誰創離騷體靈均楚一人庚寅日以降千古見前身
爲是生同物因之字小同山中書帶草葉葉汎光風

瑞蓮詩

並蒂復同心向人嬌欲語世無無對物歡與儂如許
紅蓮依綠水亦復作樓臺絕似盤承露仙人掌上來

四皓廟

本是朝飛雉更名作野鷄四人成羽翼慙慙向晨啼
留侯却使從復致商山客所幸人彘時建成已寒魄

杜將軍城南園十八詠

兵法何足學父書亦枉讀所懷在古人爲腹不爲目懷右

大泌山房集

卷之五

詩二十七

古草堂

五車載萬卷了不異人意黃石與玉璜天書自玄

秘

右縹緗閣

垂楊三逕裏春色日依依角射聊爲戲因之葉

漸稀

右柳

西氣箏不發北聲瑟已往彈琴松石間高意

自相賞

右橫琴石

纍纍蚌蛤胎烟烟鯨鯢目橫海封京觀得

之媚川谷

右三珠靈洞

不飲桃花馬不淬蓮花鏢臨池一杯

酒坐看花開落

右荒茅塘

漢署郎皆握江臯客自紉國香與

將種服媚更相親

右蘭晚

旣負凌霄姿寧爲耳目翫君恩

世祿位偃武無忘戰

右棲鶴軒

戰場爲耕壟蒼笠道相望飯

穎山當午君家水部郎

右卓笠山

投河一簞醪能使三軍醉

試問酒中仙其誰知此味

右飲仙亭

駟馬踐高武整衣拜疎

勒黃河帶九曲不敵玉漿色

右帶玉泉

半山翠欲微人臥山

房裏草木可為兵山形成聚米

右翠微山房

受鉞許專征西

戎獫狁平凱歌誰屬和春日有倉庚

右聞鶯館

松門千歲物

一箭遂成空容爾南窗下來聽謾謾風

右松窗

自得金人

還冥心歸淨土三車聽演法冉冉天花雨

右曇花精舍

渭渚

無駭魚鑄京有膾鯉問君釣維何所得亦如此

右垂綸磯

世敏戎公釐之鬯一亩諸侯故以薰蕕蕙今成畝

右蕙畹

三尺昆吾鐵繫之鉤絡帶一人安足敵耿介倚天外

右倚

亭劍

題便面雪景

大沁山房集

卷之五

詩

三八

江天風雪裏宴坐一舟孤豈不虞寒色冰心在玉壺

題豐城熊鐵史卷

輪扁笑齊公糟粕亦何有那知堂上書今出堂下手

五車汗九牛白首儒生誤無誇腕有神祖龍恐相妬

誰謂豐年玉不若荒年穀造書既已多天將為雨粟

何物射斗牛豐城雙寶劍有刀不盈寸亦自飛文爛

以蜀僧事題蜀僧行卷

屠羊猶未竟拋刀願從善但從菩薩心不妨羅刹面

不聞一轉語語亦何所有欲得法真髓先掩大瀉口

題畫

小草橫其前旋行每相避
搗來修竹間雙蝶同游戲
右竹
下鷓覆車剩有粟噴啣相呼
樂愛此一枝春忍饑不忍啄
右雀

謝曰可玉蘭

玉樹蘭盈砌由來謝氏珍
能將千古色併作一枝春

送李覺初還縉雲

家在千山外玄都祈福天
自將詩作志何處着頑仙
北海工辭賦臨池更絕倫
歸舟春夢裏定有乞書人
春花插滿頭更把花枝舞
倚醉復哦詩人道仙都許
一片窪尊石雲霞自古封
至今詞翰美未始出吾宗

大泌山房集

卷之五

詩二十九

石上青靈芝服之可忘饑
阮亭逢客飲盡醉不須辭
金蓮花一瓣名縣作金華
爾有生花筆春生滿縣花
立春日有以鹿圈載游女者與友人同賦

白茅包野鹿以誘女懷春莫是春
懷甚將身作鹿身
青裙紫纈襦天雨不能濡
咫尺淮南道陳家鏡在無
春色來何許銜花獻鹿女
喚鹿作伊尼誠哉是梵語
孫法宗天使韓文秀鹿娘
古人豈欺我看取圈中粧
驚女鹿何祐楚臣悲問天
女今且爲鹿顧問更茫然
神仙魯女生乘鹿從玉女
女載鹿車行莫將持作脯
臨淮鄭太守鹿挾轂行春
今日迎春日前身化女身

鹿罽置少女詔客如大羅田女皆亡國人情好女多

題畫壽竹石主人

裁筍吹作鳳拄杖擲成龍養就蒼顏好浮筠比玉容
礪齒原非誤為糧更可餐仙人驅渡海夜半日光寒
石右竹右

常山曲

聞道君家處城頭見太行羊腸九折阪似妾日迴腸
夜夜夢魂飛北向恒山路化作率然身首尾終相顧
渾沱河水水乍合旋當泮君莫心疑妾冰心妾不變
中山千日酒長醉有醒時惜別心如醉年年無盡期

大泌山房集

卷之五

詩三十

此處有極大之墨迹，似為書法家所書，內容多為草書，難以辨認。其間可見「常山曲」等字樣，與右側正文相呼應。

此處有極大之墨迹，似為書法家所書，內容多為草書，難以辨認。其間可見「常山曲」等字樣，與右側正文相呼應。

大泌山房集卷之六

京山李維楨本寧著

七言絕句 丙午後作

舟雪

家人指數入秦期十日舟橫漢水湄莫恨石尤能殢客
由來拙宦事偏遲

白髮星星敝緼袍風餐水宿坐臯牢一官何物關生死
羊角哀先左伯桃

誰遣辭家逐宦游泠然雨雪繫孤舟太冲招隱詩能好
清夜長吟百不休

大泌山房集

卷之六

詩

一

不因風雪泣途窮暝踏孤舟獨釣翁官舫無端爲鷁首
退飛真與宋都同

從知入漢有膠舟雪亦爲膠苦逗留何所水濱君莫問
長天一色使人愁

馮文學以舊畫馬壽馮襄陽繫之二詩

躡景奔霄絕地迴天開十二總龍媒萬年明主多符瑞
玉澤乘黃結駟來

漢水方城南雍州行春五馬古諸侯恩光自與人間別
天駟房星在上頭

羊侯祠 有序

羊成侯一代名德議者病其初辭曹爽辟已爲
魏文帝給事中黃門郎時高貴鄉公好屬文惟
侯不得親疎陳留王立不願爲侍臣徙秘書監
而爲司馬昭相國從事中郎共掌機密晉受禪
以佐命封侯賈充姦佞任愷等請充出鎮關中
以遠之侯自襄陽密啓表留遂有夕陽亭之謀
晉禍本成矣疾力還朝贊成平吳知旣平之後
當勞聖慮宜審擇所付授與衛瓘撫床意同死
且無子又安所顧忌不極言也過祠下爲之慨
嘆

大泌山房集

卷之六

詩

二

三馬同槽夢不祥晉家侯是魏家郎五朝舊主今安在
無德休言自二王

黃沙四塞攪南風典午河山鼎沸中恨殺夕陽亭上語
誰知密啓有羊公

疾中乘輦殿中行指授平吳策已成料得吳平勞聖慮
却無遺表道分明

王使君東征凱歌

南人禽縱懾天威遼海俄驚羽檄飛謀帥一時同廟算

使君還着舊征衣

右渝州拜命

赤甲青兕部下兵長驅萬里事東征銜枚枕席從容過

惟有風翻大旆聲右葛田揚旌

江波鴨綠拍天浮羽扇麾軍可斷流從此鯨鯢封作觀

翻為鴈鷺沼中游右鴨綠濟師

隨山詰曲列三京稱帝稱王漫竊名今日寵臨天子使

長安真似漢時城右弭節王京

不以冠裳易介鱗為憐東海泣波臣敵王所愾申軍令

萬馬嘶風動地塵右全州誓衆

凶門鑿出已忘身矢石從他震四隣直過南原趨赴敵

集如風雨動如神右奮袂南原

偷生狐兔枉深叢都付前軍一炬紅東望扶桑天不遠

大泌山房集卷之六

詩三

好乘朝日掛彎弓右栗林制勝

舳艫千里勢連山漫道樓船出漢關海不揚波風自利

魚龍水殿綴朝班右厚集舟師

王師無敵戰如何坐使前徒盡倒戈細作莫矜三寸舌

攻心上策自來多右定謀用間

箕子遺封舊帝疆島夷何物此跳梁天兵矯矯鷹揚後

野鳥于今不敢翔右隳壘毀巢

鏢焰張天五火攻星躔東壁應東風射波魚眼渾難辨

為深淋漓戰血紅右焚舟戰寇

繫頸轅門日獻俘荒原空壘但啼烏妖氛如掃兵如洗

王會裁成萬國圖

右鬼狝
迪夷

已拚臣虜復爲王
喜色歡聲國若狂
欲報深恩何所有
道傍聊獻一壺漿

右壺漿
郊宴

銘功片石樹龍頭
千古三韓勝蹟留
銅柱海南何足羨
醫無間共鎮神州

右勒碑
永績

入鄜州見月

三十年前學使章
白頭無賴領戎行
閨人共看鄜州月
却恨長安隔故鄉

蕭征西好客而貧作此贈之

將軍折節布衣交
脫粟三餐膳一肴
煥煥都街蕭四繖

大沁山房集

卷之六

詩四

時將小隊過衡茅

年少場開結客多
魚羹不給客長歌
由來幕府無收責
市義馮驩可奈何

乘雪渡河

夾岸千峰積雪高
黃河如帶可容刀
東流一據中原勝
漕輓隄防萬國勞

青天陡削玉芙蓉
圓折方流白浪衝
八駿何須馳萬里
春山寶已獻河宗

負薪撻竹苦填河
鉅野吾山卷白波
萬乘自臨歌瓠子

不知沉璧此中多

尋源星宿與天通博望乘槎枉鑿空欲識崑崙虛畔色
流澌殘雪正相同

蕭征西聞余移晉陽以二絕見訊賦荅

黑貂裘敝倦游秦又作泥塗豕首身豈是楚材須晉用
北山逋客似纍臣

秋雨秋風唱渭城故人相送不勝情南冠格是頭如雪
羞向銅鞮官裡行

丙午晉中除夕

金紫叅藩二十餘白頭林下奉除書少年顏駟空成老
聖主恩深漢下如

大泌山房集

卷之六

詩五

四十科名六十年同人強半在黃泉但教歲歲如今夜
莫問屠蘇有後先

河西賜履又河東蒲坂平陽古帝宮二十八年堯作相

叅知行省可能同

余官叅政
二十八年

春風無力到華巔栢葉椒花色自鮮甲子算來三百六
絳人相遇莫疑年

贈陳望舒歸壽母

掌上蓮花玉女漿佳人蘭菊攬秋芳橫汾踐幸都將去
好侑慈闈獻壽觴

萬里西游隔歲歸緇塵無染芰荷衣揚州刺史休相媿

野鶴何天不可飛

同三帥過崇善僧廬看牡丹作

羽扇綸巾白墮鷓鴣花隨意坐繩牀紅塵不染軍容紫
都作天華供佛香

衆香分得一株栽紅紫長安僕射來爲道太原僧舍裏
戎葵是處與同開

慈恩寺裏紫瓊霜曾乞青蓮墨數行不向老僧煩潤筆
迎風泥露有天香

晉陽宮

荻楚苦麋柱質銅孤城無恙倚公官佩弦人已投繯死

大泌山房集

卷之六

詩

六

保障偏歸尹鐸功

甲仗并州自古雄收將沒口實新宮人間寡婦芷山配

大半軍功是女功

無愁天子樂如何十二朱樓別院多一曲琵琶彈不盡

晉州城破敵兵過

尼作神皇胡作兒傾城傾國禍相隨樓將宮女長蛾綠

一代風流此一時

志云石佛始北齊王建按史則武平亦爲之

傳燈山寺照天闈一夜燃油一萬盆乞食兒提刀盡勢

黃昏自斬五龍門

西山骨立佛身開
多少人牛委命來
不及禿師常路語
前知破國阿那瓌

獅子窩

文殊一片青
獅坐化作窩
中億萬身游戲
不知何所往
由來色相幻
非真

僧海義故周氏子
拈五臺二僧事
贈之皆周姓也
東林山谷見天官
搗藥香傳石臼風
莫嘆漣娑僧臘老
成仙成佛不相同

山寮日誦涅槃經
遂有山神與效靈
不乞一九如棗藥
無生何用鍊空形

大泌山房集

卷之六

詩

七

送楊元素歸省母

太行山際白雲飛
游子思歸便得歸
不分一官成底事
送君空有淚沾衣

邊城深夏尚餘寒
何物攜歸奉母歡
汾水之陽貌姑射
神人冰雪可中餐

江都呂布衣曾叅胡襄懋軍事今爲采真之遊

少保東南幕府開
叅軍會上越王臺
五湖安穩扁舟老
白馬乘潮枉自哀

雞鳴犬吠在雲間
叢桂淮南未可攀
君自枕中傳秘訣

桃花十五好童顏

不從勾漏覓丹砂自有玄田養白鴉一片蒲團能事畢
黃金如斗是空花

送姜生遊太學

毫毛茂茂五花開詞賦名家自楚材一見上林天子獵
始知雲夢不堪裁

乞得侯門五鼎鯖君卿脣舌有餘腥新詩最愛姜平子
不作人間曲尾丁

贈魯生還姑蔑壽母

鴈門關外鴈來賓游子還鄉拜慶辰莫道邊城無所有
胡麻一飯可干春

大泌山房集

卷之六

詩八

大末青霞八洞天爛柯樵叟遇神仙山中尚有如瓜棗
采入春盤奉壽筵

牛女雙雙婺女孤照臺山色亘三衢地靈人傑真非偶
阿母生兒五丈夫

客舍并州未一霜思歸奉母九霞觴不煩靈石祠前禱
匹馬乘秋已故鄉

余初舉孫贈其外翁陳望舒還江都

搖落秋風動客思碧梧初見長孫枝多君二十餘年紀
內外稱翁此一時

邊塵浣盡鏡中顏招隱淮南大小山贏得洗兒錢一片

莫教羞溼布囊還

畫鶴

千里乘風一舉迴霜毛曾不染纖埃若非綏氏山頭駕
定是衡陽郭外來

九臯清唳與天通更借吹噓鐵笛風五馬人生何足貴
仙家騏驥自行空

山盤句曲穴生金九轉還丹使日臨父老行歌躋壽域
歲時佳雨灌苗深

高堂爲壽正提觴冉冉雲中羽客翔試問生時誰甲子
于今千百六年長

大澗山房集

卷之六

詩

九

孫茂才歸越就試

海上霞標建赤城天台奇挺自神明收將一紙孫郎賦
金石鏘鏘擲地聲

禹穴書藏石匱中古文奇字費研窮刻箋九萬揮毫就
少婦新詞未是工

若耶溪帶赤堇山土石空埋片鐵頑日鑄會逢歐冶子
長懸劍氣女牛間

彭副帥初舉子適有新命

雲錦成羣代馬肥玉珂金勒有光輝
閩人夜報龍駒出

汗血霜蹄萬里飛

蓬矢桑弧射四方充閭佳氣照華堂將門出將非無種
玉靶雕弓賜未央

顧小侯花燭詩

代

蕃釐觀裏一枝春國色無雙迥絕塵莫訝仙姝輕折贈
郎君原自玉爲人

露下天高月宇空金波二十四橋同游人是處簫聲好
不及侯門鳳女工

楊子江心月正圓鑄成青鏡玉臺前楚妃顧影新粧罷
並蒂芙蓉一色鮮

今古詞人鬪彩毫眉間起色廣陵濤秋波何似新婚好

大沁山房集

卷之六

詩

十

一盼千金價未高

彭城覽古有感

黃河如帶抱城迴城下舟橫鐵鎖開一箇纍臣行不得

虛傳萬會此中來

右萬會橋

王屋瑯琊九里山黃池有穴可躋攀如何咫尺龍城路

橫絕天涯不往還

右九里山

哀角悲笳漏轉長孤鴻嘹唳墮冰霜何須更聽彈琴曲

自有淋漓淚萬行

右雍門

蘇家兄弟此登樓意氣文章萬古留我欲吹埴篋不和

浮雲落日轉含愁

右黃樓

仲弟家口入徐

囊傾粟釜吹糜蹶躅冰霜正苦饑有弟兄啼吾亦爾
老夫非是學嬰兒

書信無多夢自通盈盈一水泣途窮斷腸最是諸兒女
鎮日牽衣問阿翁

女笄男角自成行竹馬鳩車稱短長莫訝人情多賤老
少年容易得連床

向隅悲散滿堂歡骨肉天涯况歲闌八口纍纍今夜月
何人不帶淚痕看

顧生

大泌山房集

卷之六

詩十一

廉吏無家子食貧飄零風雪異鄉身不知何處逢優孟
雙淚時時向故人

鄭翁

行樂清時願不違舞衫歌扇醉春暉素封千戶侯家奉
何用尚書領白衣
家在鍾山舊草堂鸞啼御柳報年芳華筵客上千金壽
可有知名太父行

美酒儲將百斛船飛觴如羽共祈年主人先着萊衣舞
鞠跪秦鞞阿母前

幅巾長揖大將軍盛氣籠霄義薄雲何以贈君青史在

逸民游俠傳中分

姚生還閩將入趙受室

雙鞞雲鬟鬧掃粧金盤手擘荔枝香生來趙女顏如玉
妬殺王家十八娘

南舟歸謁武夷君置酒相邀日欲曛探取奚囊毫五色
散爲峰頂幔紅雲

揚州明月玉人簫不遣蘭舟繫畫橋爲憶卽卽琴女曲
夢中顏色美如茗

送劉茂才歸晉應試

家世河汾慶澤長八人才子系高陽寄聲問俗轡軒使

大泌山房集

卷之六

詩

十二

好爲題名似苑康

兄弟八人

千里黃河一曲流龍門天啓八龍游世家史記誰堪續

太乙藜燈閣上頭

十里飛花撲酒缸離人春夢廣陵江劉郎風貌如連璧
夜宿誰家玉女牕

詞源七發自枚乘八月觀濤向廣陵兄弟可知長並往
文江學海勢飛騰

送僧游五臺

黃雲白草路間關一鉢隨身自往還獅象渡河從彼岸
文殊不在五臺山

爲叅大聖到清涼凡聖同居一道場八部天龍齊供養
西方佛法異南方

菩提薩埵會真如薙髮焚香事總虛試問出家金色女
衆生煩惱可曾除

花園寺裏謁空王贏得沾衣九月霜此去正逢僧結夏
伊蘆處處發天香

答夏生餉五加酒并貽詩

人間空羨醉鄉侯琬液瓊蘇未可求一把五加扶病骨
與君連袂賦仙游

他鄉久客奈愁何有酒如淮且醉歌莫問代與今昔事

大泌山房集

卷之六

詩

十三

烟花三月已無多

傾蓋相知樂自多春光領取醉顏酡
緇鷓躍後鮪鯨引與唱吳兒小海歌

倦游吾已賦歸田不乞移封向酒泉
聞道金鹽支歲久可成千日醉中仙

揚州僧

跌坐談經彼一時青衣童子出相隨
從來羅漢無名欲

瓢笠何方不可知

一字無聞是正因三身誰幻復誰真
曇遷曾住邗江側

松下于今可有塵

迷樓

高樓上與白雲齊
江北淮南大海西
誰奏神仙留客曲
却教仙向此中迷

美人出指故人來
西閣窓明永巷開
卽有迷樓迷不得
上江空待米船迴

道是揚州樂戲州
宜人夏日爲淹留
飛樓綺觀歸何處
雨自黃梅麥自秋

學得劉郎雜憶詩
香銷沉水卸粧遲
夜光明月懸高帳
不照君王鬢裏絲

飛帛新詩手自裁
江都夢好一年迴
宮人顏色依然在
大泌山房集

卷之六

詩十四

何事官家不再來

深夜披衣起和歌
迷樓好景更如何
西來一束編管炬
紅較春花萬樹多

非烟非霧四隅香
賜着新綾越耀光
色解迷人行處有
不須傳詔幸丹陽

玉蕊新香素蟻浮
銜杯鎮日散春愁
醉忘歸去迷離眼
翻笑江東鑑裏游

東柱題詩憶俊娥
蛾眉誨妒入宮多
泉臺若共蕭家語
愧殺胡兒細馬馱

二豎歌殘灑淚啼
軍聲殺氣轉淒淒
游魂無定難成夢

不待登樓已自迷

白日分明見麗華
嬌歌玉樹後庭花
吳公宅畔雞臺上
却望迷樓自一家

樓上歡歌夜未央
深閨不復見君王
三千粉黛俱黃土
傳誦新詩繫臂囊

粉紅桃花

一笑嫣然態自殊
空勞著粉與施朱
東墻深謝闕臣意
酌爾青絲白玉壺

白雪紅花各有時
盧家少婦祝新詞
妍華光澤勻相半
片片前身礦面兒

大泌山房集

卷之六

詩

十五

送吳司理赴徵

夾岸徐牽錦纜行
行雲爲遏踏歌聲
瓊花道是無雙種
不及吳公第一名

官柳陰陰驛路長
綠烟晴驪別離觴
垂條不忍輕攀折
留作秦郵召伯棠

送人從軍

烟波江上一扁舟
萬里辭家耐薄游
三尺佩刀三寸舌
丈夫容易取封侯

書生投筆請長纓
遼海烽烟意未平
一片醫巫閭上石

胡塵掃盡可題名

蘇侍御江山攬秀圖

江山是處秀堪餐千里風光對酒看
天地東南仁厚氣臺臣莫倚簡霜寒

曾向金焦覽勝來蹴天風浪海門開
知君江漢朝宗意不羨登高作賦才

江左繁華自六朝河山兩戒此南條
輿圖一統光天下攬轡登車指顧遙

左騶齊插左貂行憔悴江南數百城
一自福星占入部山光水色爲澄清

過泗懷常藩伯示其子伯行茂才

大泌山房集

卷之六

詩

十六

十里金堤萬戶開四時烟景遡游洄
功成不賞曾何慍咄咄靈胥鼓浪來

支祈伏鎖水安流萬樹松楸王氣浮
校理陰功知第一鼎湖長侍六龍游

丁年拙宦任途窮白首空名啓事中
神鼎向來淪泗水留將今日爲銘功

吳生館紫牡丹先開一花同諸君賦

幄坐春旗閃絳紗看來紫玉出吳家
蕃釐觀裏空相憶自有東風第一花

花萼樓前種不羣流霞天酒暈朝醺
吾家一片函關紫

併入清平調贈君

車丈人雙壽詩

鳩杖齊眉鶴髮長
芝蘭玉樹粲成行
囊螢不爲攤書讀
雙照華筵獻壽觴
簫聲月色自揚州
裘褐青山七十秋
花外小車同載酒
何如丞相漢宮游

太玉樓

華蓋平臨北斗魁
仙人樓瞰萬家開
丹成冲舉誰能識
有鶴登樓鏤板來

名山藏副五車書
仙字時時飽蠹魚
却笑狂生嵇叔夜

大泌山房集

卷之六

詩

十七

空隨王烈覓仙居

君家千百積仙功
瓊簡星書累代同
東海青童來校理
乞靈長住此山中

雲中雞犬列仙家
鴈蕩龍湫路不賒
我欲從之筋力倦
山松五鬣寄餘花

送董明府之建陽

江都僑寓偶經年
人是醇儒漢代賢
攜得竹林繁露去
澄清瘴癘七閩天

蕉源山徑遶芹溪
福地無緣路欲迷
一自仙人爲邑令
依然洞府百靈栖

中秋月色正平分置酒峰亭幔紫雲豈弟信爲民父母
曾孫合喚武夷君

溪橋北去路朝天石似支機片月懸明府向來工製錦
題名仍作小西川

考亭溪畔結精廬經術絃歌闕里餘明到作興諸弟子
地天交泰拔茅茹

山市傭書十萬家牛腰載汗走天涯從今紙貴如京洛
茂宰文章是國華

送吳水部還廬山

山中舊住讀書堂日理丹鉛積縹緲更上紫霄探石室

大泌山房集

卷之六

詩十八

靈文科斗見鴻荒

青蠅賦罷拂衣還夢斷西雍振鷺班何處登高堪北望

江城自有玉京山

遠公開社白蓮池十八檀那禮六時歸去來今仍止酒
東林把臂不攢眉

宮亭秋水百川輸南北分風信亦無不向神君乞如願
清郎非是見金夫

終古匡廬姓獨聞不知曾佐漢番君後人自有仙吳猛
福地神臯已半分

秋風秋雨送將歸歸後音書莫便稀匡臯池頭三石廬

年年霜落自能飛

贈粵帥劉叅佐

驅除狸獠鎖嚴關
白羽綸巾幕府閒
上日馬人麾下拜
城頭指說伏波山

銅柱天南插漢標
象胥重譯百蠻朝
彤弓盧矢承恩日
勾漏尋仙路不遙

答高洪父洪父八十能詩

申公轅固老儒生
曾奉徵書入漢京
齊魯詩傳今在爾
蒲輪將下廣陵城

青鞋白帽歷三朝
不羨家傳珥漢貂
明月揚州歌舞地

大泌山房集

卷之六

詩十九

新詩多在玉人簫

淮王賓客好游仙
雞犬雲中去杳然
羨爾桃花童子色
問來知有八公年

青編瑛管日隨身
鶴髮雞皮自隱淪
不分君家徵士頌
姓名都是出山人

爲戴孝廉壽陸明府日在仲秋

省斂嘉禾大有年
田庚稽首奉觴前
正逢明府懸弧日
詩奏邠風第八篇

鳴琴堂上日垂簾
慈父神君二美兼
共祝三千秋月魄
丹書八字下銀蟾

葛洪遺井邑東偏勾漏丹砂事尚傳
仙令前身君莫是
文成五色水中烟

月波烟雨倚飛樓
好景宜人在素秋
座客一卮初獻壽
滿城絃管韻歌謳

爲問城中七十橋
宣公宇宙大名標
君家福澤通江海
萬里連天八月潮

南湖秋水兩鴛鴦
左翼差池戢在梁
君子萬年宜福祿
願言羅畢致明堂

送人還武林

衣帶江南一水過
布颿無恙狎烟波
歸時正看中秋月

大泌山房集

卷之六

詩

三

桂子天香若個多

玉露金風氣沈寥
江天秋色在蘭橈
廣陵濤至君翻去

家有靈胥八月潮

張翁仲秋初度甥丘進士奉部檄授爵一級爲壽

華亭一鶴上揚州
警露長鳴八月秋
十萬腰纏何足貴

吹笙仙子與同游

翁華亭人
移家維揚

成羣羔鴈有光輝
縣令旌門簇羽旂
更羨賢甥成宅相

登科新着錦衣歸

僑居市井自稱臣
捧檄高年賜爵新
正是清秋初度日

堆牛醜酒饗鄉人

卜居叢桂小山前
金粟離離秋可憐
缸面新醅香色似
八公來作飲中仙

贈人游吳中

蘆白楓丹菊正黃
客衣何處染秋霜
家家砧杵敲寒月
回首聞人水一方

朱實丹苞橘柚秋
吳儂鎮日洞庭游
西風搖落寒林葉
作意飛來攪客愁

鄉人訪舊五河

五河千里入淮流
湯沐名都王氣浮
風雨二陵秋色裏

小臣誰御六龍游

大泌山房集

卷之六

詩

三

經年未得故人書
命駕相過慰索居
表有鸛鷄琴綠綺
臨叩重客馬相如

釣汀詩

半畝蒼筤帶曲溪
碩人邁軸小橋西
汲來新釀床頭甕
竹葉宜城酒幔題

新安江水自潺湲
影入琅玕倍可憐
手拄刻鳩青竹杖
臨流惟見蔚藍天

何須嶢谷與林於
冉冉孤生意自如
裁得釣竿磯上坐
不施箴餌不求魚

悠然水竹四時春
雨後波生綠潤新
絕似檀欒池上色

裁成授簡是何人

謁誌公塔作

示跡鷹巢古木中天生受姓聖明同
獨龍分得鍾山脉億萬斯年護紫宮

六神通力故非常飛錫先開大道場
身後一丘三改卜空王莫是讓人王

野草生烟日暮時六朝陵墓轉淒其
家緣解道鳩偏巧但取枯柴一兩枝

鐘聲停苦事何如今日東南物力虛
儻憶金陵鄉國否遺民願比鱸殘魚

大泌山房集

卷之六

詩

三三

勝鬘經翻雨不來天花如雨自高臺
黑風莫是吹船去咫尺含光殿却迴

舍身冠達帝何功造塔書經總是空
擇火拈香終日夜道場原在此身中

漠北山家產小兒臺城天子爲啼饑
寄將玉尺多鬚老六代南朝運已移

西方早已悟三身後事何煩囑後人
一燭付來都不會無生無滅火傳薪

衲袍冠帽俗相同都帝逢迎喚誌公
誤却後來滇郡守人車黃蓋梵王宮

毘婆尸佛早留心妙義于今未可尋
宰猪波前諸色相多於十二面觀音

莊嚴寺裏遇王筠對酒交言意轉親
留得寺門碑一片何如天上石麒麟

閱藏三年義甫成佛前虔祝衆燈明
四生六道從超度無奈東昏再受生

口作占書手作圖到今人誦誌公符
不煩左索繩相擲已辦扁舟釣五湖

分身易所本無方空覓南頭第二房
菩薩自知當去日先從戶外置金剛

大泌山房集

卷之六

詩

三三

金鉢雙輿餉飯來華林園裏淨居開
三重布帽同時着可有摩訶薩度災

十二時歌十二科添將梵夾費伽佗
同朝亦有西天祖萬法皆空一句多

被髮鬚髻跣足行酒肴徵索世人情
不知自有真如在漫道狂憨佛便成

多情孝泌訪南康覆盡爐灰莫道香
博食小龍金翅鳥夢中天已告齊皇

梁別駕解官游吳越

神虎門前早挂冠平分秋月醉長干
笑他朝貴如新婦

不得褰帷向外看
行歌燕市酒人中年少開場結客雄
莫道東南交軟美
要離曾許傍梁鴻

送人還晉邸

塞門孤鴈下秋霜
海月江雲萬里長
傳得故人書便去
多情原不爲隨陽
北風吹雪路間關
匹馬蕭蕭自往還
江上風波君乍見
何如九折太行山

秦人張光祿家廣陵初舉子

仙掌芙蓉倚碧空
開花結子素秋中
灩灩甘露名天酒

大泌山房集

卷之六

詩

三五

玉屑金盤獻漢宮

歌鐘聲應廣陵潮
明月偏多廿四橋
最愛鳳將雛一曲
天風吹度玉人簫

送王太古游豫章

江波新綠柳新黃
無恙輕帆度馬當
滕閣霞天終占色
三王身後又王郎
九疊屏風爛錦雲
香爐石鏡坐中分
谷簾瀑布三千尺
一日山靈舉贈君

朱華鄴水筆臨川
今日王孫更斐然
君自東南名下士
誰家文酒不周旋

江上西山駐夕暉春風吹暖藥苗肥藜床蠟屐游人便
不及王喬控鶴飛

天壇見雉

權火燔柴照紫壇會隨交戟候鳴鑿天衣繪作華蟲象
官扇雲開咫尺看

泄泄于飛上下音雷聲相應散春陰官家郊祀何須卜

月令今朝啓蟄臨

是日驚蟄左傳啓蟄而郊洪範五行傳正月雷微雉鳴

玉清金闕蕊珠宮漢時秦祠未可同草際赤光騰十丈
雙飛陳寶得雌雄

璿璣星斗耀靈輝羽化依然傍紫微不見八觚壇上殿

大泌山房集

卷之六

詩

三五

畫簷軒舉象翬飛

玉輅龍旂十二旒竿旌夏翟貢徐州亦知今日天旋北
仍向南郊奉御旂

格王不雉高宗鼎饗帝非斟彭祖羹栖託城南天尺五
自無災患得長生

皈依天上惹卿雲青質成章備五文正是江淮南服地
呈祥端爲聖明君

不在朝門不在城翱翔天宇了無驚鳳凰鷓鴣高樓觀
却墮人間浪得名

神王休論擅澤鷗玄都侍從百靈朝青雲開處人爭覩

挾矢張弓意自消
大地春歸震响中
上辛祈穀在郊宮
從今萬物皆相見
取象南方卦正同

送人歸吳

腰懸三尺是魚腸
曾染要離俠骨香
宿草孤墳歸酌酒
報恩相對寸心長
海湧天池穀雨前
新茶香送竹爐烟
吳儂茗飲風流盡
愧殺司空受喫年

王不疑自金陵歸武陵

管爲青鏤彩爲毫
夢後仙才屬爾曹
揮灑萬言花爛熳

大泌山房集

卷之六

詩

二十六

何如春色武陵桃

胡床三調弄新聲
江左風流一代名
歸去武陵溪水畔
高歌屬和舊門生

野鶴翁八十子少鶴六十因題其號爲壽

山頭明月坐吹笙
九轉還丹使者行
十萬腰纏官刺史
何如兩世得長生

南極祠壇秋正中
拜前拜後兩山翁
忽聞警露鳴相和
化作仙禽上碧空

履跡依依步斗行
朝翔紫蓋夕金城
徘徊五里還相顧
自是人間父子情

家人世及是高年成佛生天有後先却笑昂昂嵇氏鶴
連雞羣裏枉周旋

贈念上人

擔經托鉢遠叅方名理支公雅擅塲蓬戶朱門渾見貫
歸來趺坐老繩床

襄陽素上人

梵誦團焦閱歲年木杯錫杖漫隨緣襄陽自有彌天釋
若個先登彼岸邊

賦得西秦名勝十二事爲梁公壽

巨靈掌上日華浮天酒神漿不斷流五彩囊中珠錯落

大汾山房集

卷之六

詩

三七

仙童采奉赤松游

右金仙掌露

谷口明星玉女祠洗頭盆作種蓮池花開千葉三漿寫

服食求仙任所之

右玉女蓮池

當年七聖詣空同迷轍曾咨牧馬童惟有真人家近在

白雲玄鶴往來通

右廣成問道

白首司存柱下書流沙西去欲何如五千言已留關令

誰御青牛薄板車

右關尹授經

城垂北斗漢西京百二河山指掌平家在城南天尺五

天門誅蕩日通行

右北斗春城

中分星野判朝昏福地終南太乙尊石室一間當地肺

時聞天樂度崑崙

右太乙仙都

三青鳥使遠傳書阿母時時問啓居却笑漢庭空望幸

凌雲意氣為相如

右西崑金母

吹簫嬴女有高臺綵鳳雙飛去不迴天老後身君便是

銜圖載向日邊來

右秦臺蕭史

自避秦宮遠入山山中誰復識紅顏相逢獨授餐松訣

羽翼翩翩出世間

右華陰玉姜

高巖為屋穴為茵種得靈芝十畝春偶向漢宮遊戲去

兩朝天子不能臣

右商山綺皓

歲歲行人飲義漿滿千功德列仙郎種來斗石皆成玉

大崑山房集

卷之六

詩 三八

五色靈文貫日光

右藍田白璧

羣峰削玉水拖藍雞犬仙家倚石龕一自瓊漿流玉杵

至今千澗味同甘

右玉杵玄霜

張節婦七十

東朝萬壽奉天杯行慶先從輦下來自有中男充侍例

承恩已了綺筵開

中壘書成列女篇人間圖畫至今傳何如阿母兒郎偉

寫照通靈欲上天

黃鵠歌殘泣數行鉛華無復鏡中粧請看鶴髮三千丈

不道吳門匹練長

歌舞繁華逐水流
燕姬翠黛不勝愁
白頭綦縞深閨嫗
能傲風霜七十秋

送范東生游滇

萬里南雲瘴癘開
毫端五采日昭回
碧雞金馬神知否
才士王褒轉世來

上公開府百僚趨
客有分庭禮數殊
乞得片言爲九鼎
不從蠻語詠姬隅

度索尋糧逕轉微
行邊山鳥怪儒衣
左擔小憇然耐火
木有桄榔可療饑

尹珍曾受汝南經
人士南州有典刑
君去好將夷變夏

大泌山房集

卷之六

詩

二十九

地名原自喚蜻蛉

百里滇池水倒流
蓮花千葉似仙舟
將軍不習昆明戰
遮莫詞人載酒遊

博南山外渡蘭津
黎獻于今共帝臣
遂有遠遊詞賦客
漢家非是爲他人

潘生以穀日生時寓保寧庵

雨雪逢春未放晴
沽來春酒且須傾
荒年穀貴豐年玉
合有才人穀日生

脩竹林中誦佛聲
長生不學學無生
生同佛日先三月
當日生天佛已成

侍御姚公按秦西馬政

宛馬西來樂府歌
貳師煩費歷年多
臺臣一片飛霜檄
無數龍媒萬里過

騏驎駟驪與白巔
騰驥萬騎似秦年
行邊獎帥諸軍士
爲奏無衣駟鐵篇

馬蕃汧渭邑封秦
和睦西戎盡外臣
今日匈奴無右臂
諸番貢市自何人

諸苑沙場接塞陰
外繇租挈日相尋
罷馬弩關亭母馬
君恩較似漢家深

廣成南首臥空同
問道軒皇拜下風
牧馬但教去害馬

大泌山房集

卷之六

詩

三十

小童先得片言中

成紀羲皇畫卦臺
鴻濛文字此中開
巡方柱史高真氣
龍馬知隨太乙來

驪黃牝牡總忘形
神識曾傳相馬經
伏櫪雄心知吐氣
九方臯已在秦庭

八駿周遊事已荒
太平天子自垂裳
鎡壇宮裏多徒驥
爲誦祈招作諫章

仙槎西度玉門關
載得連枝苜蓿還
漢苑自依玫瑰樹
光風隨日照人間

和戎不似伐胡年
郡國猶徵馬口錢
新斥松山千里地

空令薦菴鬱生烟

訪劉宗魯朝天宮道院因贈

芸窓自理白雲篇
午夜燈分太乙烟
秘授枕中鴻寶苑
可能還向世人傳

五色宮雲散彩毫
詩成響答入琅璈
劉郎自出風塵外
不問玄都觀裏叅

爲謝生壽其宗叔

東山別墅又江東
身是三朝一老翁
幾度南風薰對酒
芝蘭玉樹滿庭中

烏衣白面謝家郎
醜酒同稱慶壽觴
舉止風流饒故態

大泌山房集

卷之六

詩

三十一

蒲葵中扇紫羅囊

繆生入太學應舉

爲是黃金一諾輕
寒生隨例入貲行
漢家將相知無數
揆藻天庭屬馬卿

百萬擄捕賭勝人家
無僭石肯言貧
吳儂不律財三寸
化作青雲便致身

送洪生東歸

廉吏空教子負薪
望門何處覓交親
楚中軒冕多如許
優孟偏爲仗義人

竹冠芒屨芟荷衣
少婦生憎不下機
却悔當年還賜綰

枉將清慎學胡威

詩堪爲畫畫爲詩况復臨池擅一時有藝隨身翻誨妬
突烟寒盡不成糜

七尺長身頗有鬚翩翩公子較何如可憐彳亍空江上
彈鋏誰分幸舍魚

送僧住廬山

廬山原自屬匡君舍宅歸宗晉右軍今日佛馱耶轉世
願香誰不効殷勤

鴈門瓢笠到龍泉自是江東有勝緣請得威靈阿育象
空林盡作布金田

大泌山房集

卷之六

詩

三五

檀那十八構東林池上蓮花白業深何事文人謝康樂
翻經曾未了塵心
香爐裊裊慈雲結石鏡瑩瑩寶月圓金色芙蓉三十六
將來製作漏中蓮

寄題伯榮宗正石山園

雲根磊磊九成臺杖策三休酒一盃東望泰山真作礪
黃河如帶又西來

名山藏副有山靈石作家山夜不扃仙錄史書盈萬卷
何如少室自然經

龍岫猿巖各自成中原千里見分明蘇門隱者孫登嘯

緱嶺仙人子晉笙

朱門羅綺扇游塵白眼悠悠道路人
磐石之宗君自固
千峰秀色玉嶙峋

叢桂淮南隱八公都隨雞犬入雲中
王孫自是神仙種
平地爲山大小同

西有嵩高北太行離離拳石在中央
逍遙遊向人間世
物論從他較短長

太形王屋已分區河北河南隴斷無魁父
一丘誰厝就
居然寫作二山圖

曲折玲瓏畫不成梁園空擅百靈名
衆山齊答彈琴響

大泌山房集

卷之六

詩三十三

可有睢陽節杵聲

朱生卜居廣陵

少小辭家汗漫遊淮南招隱爲淹留
非關春草忘歸路
自愛連拳桂樹秋

却月凌風逐上春官梅東閣接芳隣
千秋物色俄生態
水部于今有後身

十萬腰纏十萬家竹西歌吹競豪奢
爲園獨學青門隱
五色成文子母瓜

槐安國裏守南柯夢後浮生竟若何
人世道遙無大小
幽棲已覺一枝多

送余典客倅弋陽

香案前頭侍玉皇，
簾曹隨牒弋溪陽。
齋廚但飲官中水，
十五長亭卽故鄉。
出舍郊關校墾田，
蜃樓三十二峯前。
山雲片片褰衣結，
散作桑麻萬井煙。

壽賀內史

鳳凰毛集鳳凰池，
裁詔文成五色絲。
更羨將雛丹穴好，
碧梧棲處長孫枝。

仙郎闕下好音來，
遙奉高堂獻壽盃。
試啓紫泥封璽看，
五花原是秘書裁。

大泌山房集

卷之六

詩 三首

揚旌結駟擁朱輪，
內史清華侍從臣。
曾過里門徒步入，
生辰祝頌遍鄉人。

帷幄中參計相籌，
郎君年少足風流。
恒言自合嫌稱老，
堂上于今是黑頭。

秘殿圖書校理年，
青藜曾點杖頭煙。
名山何處堪藏副，
句曲華陽有洞天。

山中無事日偏長，
雨送薰風六月涼。
滿座賓朋稱上壽，
紫薇花映紫薇觴。

練塘水帶九靈山，
五十年間日往還。
一曲鏡湖成底事，

四明狂客老方閒。

歲星方朔德星荀南極星明是老人今夜都躔吳分野
賀家新著曰綸巾

贈遵義劉令

傲外稱雄是夜郎山河已入漢封疆神君慈父今為政
不向叢祠禮竹王

尹珍曾請授經歸遺俗流風有是非君去為邦興禮樂
莫教山鳥怪儒衣

白也投荒恨未平至今人道謫仙名何如仙令雙鳧寫
帶得恩光萬里行

九折羊腸詰曲盤青天蜀道不辭難桃源洞外湘江水
大泌山房集

卷之六

詩 三五

好是家鄉景物看

贈吳僉憲分部湖西

縣令飛鳧御史驄去思遺愛百城同使君今日褰帷路

老幼扶攜問太公尊公先為豐城令後以御
史按江西民到于今稱之

吉文明德水潺潺城畔仁山接義山自得延陵吳季子

千秋禮樂在人間

滿地舟車日算縉青山綠野不成春煩將升斗西江水

與活三州涸轍鱗

城隅童貢二江通閩粵風烟指顧中坐鎮金湯千里勝

須君帷幄運籌功

夢中偶得一絕句覺而識之

出塞從軍爲漢家四時春散雪山花摩挲骨體封侯相
直遡河源博望槎

李嗣宗行其父集歸

篋裏行裝是父書千金一字復何如明朝西望江天色
新有龍光射斗墟

盛翁

竹西歌吹入江烟行樂無方七十年却笑南柯猶世路
夢中財結片時緣

家住揚州第幾橋三分明月色偏饒填門賓從稱眉壽

大泌山房集

卷之六

詩

三十六

縹緲仙音碧玉簫

吳祠部以所知贈言屬和口占應之

青綾保直幾年迴水部春卿署竝開不向兩京跋歷遍
誰知賦是大夫才

違山十里螻蛄聲國是于今不潰成乞得閒曹門似水
非關侍從厭承明
家在雲間海上頭往來鄉信一扁舟從他日與長安遠
不作烟波旅客愁

楚客多愁善病身殷勤七發贈吳人淋漓筆勢江濤寫
起色眉間似有神

贈蜀人汪明經

蜀郡文翁興學日七經東遣受相如承恩方待公車詔
不爲鄉人薦子虛

曾同辨士事王襄宣布中和樂職章賜帛歸來精治易
行看射策擢爲郎

題王少府像

黑頭黃綬已歸山百里岷嶓屢萬間功德滿千瓊簡記
儂桃春色在朱顏
齋厨囊粟薄充饑戰勝紛華貌自肥不分邴生名養志
須過六百石方歸

大泌山房集

卷之六

詩

三七

壽周侍御

繡斧東南按百城江干桴鼓夜無驚扁舟巨艦征人曲
都入賓筵祝頌聲

雲霄清切簡才賢綠鬢朱顏正壯年柱下惠文柱後史
法家能吏道家僊

自持風裁坐南牀轉日回天大有光俾爾身如臺列柏
霜皮黛色壽無疆

生來良月是嘉平卜夜公堂酌兕觥南極一星中執法
江天象緯倍分明

三巴江水下三吳如帶縈迴舊帝都萬里恩波流不盡

祝君多壽寫成圖

澄江如練月如霜
憲府賓僚獻壽觴
自是三山宮闕近
中宵日御上扶桑

豐湖春晝曲

平湖春雨綠波生
司馬當年洗甲兵
好似葡萄醅乍漉
釀金爲壽羽觴行

華屋臨春水一方
榜謳漁唱日相將
天風忽送鈞天奏
家有郎君在奉常

大堤芳草日芊眠
行樂青春有歲年
一曲鑑湖分賀監
歸來空自照華巔

大泌山房集

卷之六

詩

三八

湖頭垂柳復垂楊
百轉流鶯日正長
斗酒雙柑時自壽
年年無恙領春光

物外風塵迥不通
拍浮長在酒池中
朱顏如醉還如醒
春入桃花夾岸紅

喬木名家有世臣
張筵獻壽及初春
仙源帝澤看誰似
千頃湖光歲歲新

秦中尉徐繼室輓詩

鳴珮珊珊步幄還
前身故是女仙班
霓旌烟駕歸何處
知在瑤房積石間

良家法相若爲容
仙掌蓮花浥露濃
神女玉漿曾服食

還隨酒母跨茅龍

聞道秦臺下鳳凰玉簫聲徹去何方將雛畱得人間曲
自返名山舊女牀

北斗城中渭水流橫橋南渡法牽牛試將屈狄三號復
織女星應在上頭

送王生之海南帥府

驪驪馬色似霜紈五嶺山川攬轡看六月南風吹海運
紅顏羽翼學鵬搏

樓船橫海遠征黎半月潮東半月西屈指閩人聞吉語
鄉書莫寄數行啼

大泌山房集

卷之六

詩三十九

銅柱勲名漢伏波至今趨府馬人多可憐跼跼飛鳶墮
瘴癘南荒幾度過

三下南交入漢疆翻將鱗介易衣裳不如陸賈憑唇舌
博得千金使粵裝

送吳无咎歸孝豐

君家別駕漢貴郎秬苑何人許鴈行後進少年才最秀
金昆玉季自相當

金陵彩筆夢初成藉甚詞場大雅名歸取茗溪供染翰
綠波無處不花生

六朝詩體號吳均儒雅風流有後身莫作青山惆悵語

公車待詔簡才人

送僧遊吳越

西來錫杖渡江過千里衣冠彥會多閱盡南方人學問
牖中窺日竟如何
如椽手筆神相授王椽功名未易才自向提婆聽說法
翻然舍宅寶坊開

鵲尾薰爐置膝前閒時定訪費崇先逆風香送多天樹
幻作西天九品蓮

蕭然一鉢一軍持馬不須乘鶴不隨王謝諸公饒法眼
披襟解帶自相知

大泌山房集

卷之六

詩

四十一

調戴瞻疾

玉簫聲徹過行雲一片清光總爲君却笑詩家都不解
揚州明月但三分

盈盈秋水在雙眸妒殺觀濤八月秋何日睂間無起色
吳人空爲楚人謀

沈孺休客豫章感劉長孫闔帥知己屬爲報謝

尺一郵符帳下兵長風吹送布帆輕將軍呵護神明力
萬里清江似掌平

盤龍宴客坐高齋解贈雙龍羽翼垂風雨有時中夜吼
須知神物自當諧

南浦春深長綠波歸舟無柰別愁何夢魂只在滕王閣
不倩江神夜送過

車轍頻年泣涸鱗西江斗水活波臣感恩惟有龍鐘淚
織作鮫絲報故人

送穆太學還蕭

王門食客自縱橫設醴何人爲穆生楚歷一盃君勿薄
古來如水論交情
春風河上峭帆過一片孤城入水多麥麴鞠窮君自有
爲魚其柰衆人何

王亦房爲齊魯燕趙之遊賦贈

大泌山房集

卷之六

詩

四十一

涼風吹雨上荷衣五月秋生暑氣微好是王家開武庫
清霜紫電一時飛

漢中天駟一王良千里精靈匹練光吳觀登時頻顧影
還隨日御上扶桑

佳人燕趙玉爲姿挾瑟鳴箏跼履綦乍見館娃宮絕色
烏驚魚逝轉相疑

千將三尺吼蛟龍筆舌端能敵劍鋒寄語拜州諸俠少
妖浮未可薄吳儂

黃黃叔以事歸里贈之

檐簷觸熱下江關歸去松蘿夢裏山所遇已知無故物

主人雙鬢未曾斑

炙日葵榴照酒卮紅亭莫唱鷓鴣辭陶家盤舉渾無恙
隨意看山住少時

人與黃山受姓同千秋靈境路纔通行行采藥軒轅鼎
兩腋翩然欲御風

移家幾度秣陵秋今日新安是客遊莫向故人頻取醉
閨中屈指大刀頭

潘太學歸豐溪壽母

金陵遊子劇思鄉千里烟波一葦杭乞得江神風走送

慈庭初度及稱觴

大泌山房集

卷之六

詩

四二

翳然林水一精廬將母時時御板輿膝下由來能色養
非關拙宦賦閒居

六館如雲總儁才絃歌遙奉北堂杯綵鸞字與麻姑信
都趁華筵此日來

浮瓜沉李水精盤儲蔗漿行六月寒生得佳兒人擲果
并將慈母佐清歡

贈朱茂才

淮南叢桂散清芬詞賦風流自昔聞一片泗濱浮磬石
幾人高韻得如君

毫如花簇管如椽可有神明入夢年五采龍文天子氣

所居原在鼎湖前

張思唯示余文字大佳贈其北行

江干片石孝娥碑傳是却鞞幼婦辭知爾摩挲掌偏得意
揮毫揆藻故多奇

躡蹻擔簦上國遊四方人士與綢繆會稽竹箭東南美
不數汶篁植薊丘

茅生謁罔卿陳先生詩以代柬

龍馬天行與地行天閑十二領清卿如何燕市黃金價
駿骨無端浪得名

中宮太乙降生時天馬西來服九夷按取金門圖象合

大泌山房集

卷之六

詩

四三

定隨龍友蕭雲馳

王良策馬獨行空雲錦成羣上苑中間闔玉臺無限地
休教滿野有蜚鴻

驥垂兩耳服鹽車白汗交流大暑餘晚得九方皐一顧
始知騰踏謝蟾蜍

